



蘭雪堂古事苑

貞



13
201
4





蘭雪堂古事苑定本卷之十信字本

饒安 鄧志謨景南 編輯

戴 珉潔澄

西洽 戴 璵瀾石 參定

戴 瑛師曾

文具

紙名側理墨曰玄香硯號陶泓筆稱不律文房互用一

物固是一珍儒士兼資四品乃為四友端溪石綽有奇

紋剡州藤可增重價芙蓉調粉豹囊溫處養龍賓芸草

古事苑

文具

加3
門 未
號 201
卷 4

市島謹
氏寄贈

明治三十八年九月十四日



分香瑩案光中熏兔穎。廷珪烏玉玦。當代標奇薛氏絲。
 文箋於今志美。霜毫銳銳。有人寫金粟。影如來。玉版盈。
 盈是我證發光地。菩薩玄金錠。磨時有蟻入。經筵紫石。
 稜洗處多魚吞墨汁。江郎夢好。新開綵穎。奇花趙后心。
 聰頃製赫蹏巧樣。筆鼠鬚而人最重。硯鳳味而士爭奇。
 以鶩換字寫道德。非中書君不可滴露研。硃點周易惟。
 石處士乃然。文成於白銀牋上。高騰奎斗之芒。廣映於。
 紫玉池中。亂動龍蛇之影。管之竹管之銀管之金筆有。
 差等眼之死眼之活眼之淚硯。別斑紋紙。堪記事。應來。

褚國公之美。褒墨且磨人。須得松滋侯之雅。贈靜而有。
 壽。唐子西曾作硯銘。久則攸存。蘇學士更為墨說。筆塚。
 纍纍若個。拍竟於梵寺。墨花藹藹。是誰漱澗於文場。硯。
 田豐百穀。我意還需石丈人。筆陣掃千軍。誰云不用毛。
 錐子。
 拾遺記。南越獻側理紙。南人以海苔為紙。其理縱橫。
 斜側。晉武帝以賜張華。寫博物志。漢人語訛。謂之陟。
 釐紙。纂異記。薛稷為墨。封九錫。拜玄香太守。兼亭。
 州楮郡平章事。是日墨吐異氣。結成樓臺狀。隣里來。

觀良久乃滅。毛穎傳毛穎與絳人陳玄弘農陶泓
 會稽楮先生友善。出處必偕。毛穎謂筆陳玄謂墨陶
 泓謂硯楮先生謂紙
 許慎說文楚謂之聿。吳謂之不律。燕謂之拂。秦謂
 之筆。漢因其名。事文類聚筆墨紙硯文房四友
 端溪在歙州。其石有紋甚美。琢為硯。士爭重之。坡
 詩溪石琢馬肝。刻藤開玉版。漢武帝時鄧支國貢
 馬肝石亦可作硯有光起刻溪出藤為紙絕妙。唐
 舒元興作弔刻溪藤文。言今之錯為文者皆天關刻
 藤也。龍賓唐玄宗之墨也。凡藏墨以豹皮為囊貯

之貴其溫潤調蓉粉護之。故琵琶記云芙蓉調粉養
 龍賓芙蓉分香走蠹魚。烏玉塊墨也。李昶易水人
 唐末與子廷珪亡至歙州。其地多松。因留居。以墨名
 家。後廷珪父子歿。至宣和間。其墨貴於黃金。蓋黃金
 可得而墨不可得也。唐元和初蜀妓薛濤好製小
 詩。因作小箋寫之。士以為便。號薛濤箋。佛家有金
 粟影如來。王摩詰援筆寫之。放大毫光。觀者皆倍施
 其財。成都浣花溪造紙光滑。以玉版為名。南唐舒
 雅韓熙載門人得海螺甚奇。宜用滑紙。以束獻於熙

載云海中無心班道人往詣門下書材槎澁使道人訓之卽證發光地菩薩熙載笑受之玄金錠墨也晉牟季磨墨有香有一大蟻入硯池飲之遂篆成數字乎悟之乃善書紫石稜硯之別名江淹夢筆詳前術學赫蹏小薄紙也染而赤色故云漢趙婕妤後宮傅能生子成帝賜藥二枚以赫蹏書曰告傅能努力飲藥蹏音蹄世說王羲之得用筆法於白雲先生遺以鼠鬚筆又鍾繇張芝皆用鼠鬚筆鳳珠蘇子硯名詩云蘇子一硯名鳳珠坐令龍尾羞牛後晉

書王右軍性愛鷺山陰道士管霄霞求寫道德經寫畢舉鷺相贈毛穎傳毛穎中山人蒙恬載以歸始皇封諸管城號管城子累拜中書令稱為中書君白樂天嘗云吾日與石處士楷先生偕石處士硯也白銀牋紙也古詞云白銀牋上文芒騰射向奎斗中間明紫玉池硯也夏竦詩有云硯中旗影動龍蛇梁湘東王筆有三品紀忠孝以金管書之紀德行以銀管書之紀文章則以斑竹管書之硯譜云端溪中之硯石有鸚鵡眼黃黑相間晶瑩可愛謂之

活眼四旁浸漬不甚鮮明謂之淚眼形體畧具內外
 皆白謂之死眼活勝淚淚勝死死勝無 庾信紙記
 云薛稷為紙封九錫拜褚國公白州刺史統領萬字
 之軍 松滋侯墨也雜志云燕人易玄光字處晦封
 松滋侯 唐子西硯銘云筆最動墨次之硯靜也豈
 非靜者壽而動者夭乎吾於是得養生焉 蘇子瞻
 墨說石昌言蓄李廷珪墨不許人磨或戲之曰子不
 磨墨墨將磨子今昌言墓木拱矣墨固無恙可為好
 事者之戒 唐智永禪師學書聚秃筆以甕埋之號

筆塚作文祭之 唐文粹云揮筆陣之寒芒漱墨花
 之餘潤 世說云吳中之彥以筆硯為耒耜以禮義
 為豐年 杜公詩云詞源倒流三峽水筆陣橫掃千
 人軍 五代史臥輦曰安朝廷定禍亂直須長鎗大
 劍若毛錐子奚川哉毛錐子筆也

險○昔○手○華○千○渠○川○遊○手○輪○千○華○此
人○軍○ 正○升○史○忠○華○曰○安○博○致○安○斷○周○直○應○具○餘○大
為○豐○平○ 林○公○詩○云○隨○應○隨○流○三○刻○水○華○刺○射○射○千
之○翁○賦○ 卅○翁○云○吳○中○之○家○以○華○馬○為○末○昧○以○甄○美
華○卷○中○文○烈○文○ 卅○文○華○云○戰○華○刺○之○寒○苦○嫩○墨○其

武具

盤○郢○湛○盧○悉○為○奇○劍○大○環○龍○雀○總○屬○利○刀○甲○數○明○光○旗
稱○太○白○冀○州○強○弩○彬○州○突○騎○兩○般○足○壯○軍○容○桓○公○青○葱
莊○公○白○忽○二○物○實○彰○武○備○蛇○矛○龍○盾○聲○雄○太○乙○之○壇○紫
電○青○霜○煉○質○昆○吾○之○窟○武○伐○紂○革○車○三○百○越○平○吳○犀○甲
數○千○挺○屈○盧○矛○彎○繁○弱○弓○孰○非○異○寶○被○賜○夷○甲○舞○步○光
劍○允○是○奇○珍○鉅○野○戈○揮○挽○轉○天○邊○之○日○錢○塘○弩○發○射○平
江○上○之○潮○監○童○刀○出○鞘○而○切○賊○驚○守○將○箭○飛○鋒○而○敵○人
走○斬○蛇○斬○虺○須○知○劍○淬○寒○鏃○落○鴈○落○鵬○乃○信○弓○開○神○殺

半段槍猶然靡敵兩枝戟誰敢當鋒韓淮陰之嚇燕磨
 刀使太行嶺折劉盆子之歸漢積甲與熊耳山齊七首
 一見驚秦王蚤孤先登降敵國機張伏弩馬陵道上死
 願涓謀設飛椎博浪沙中攻呂政唐宗天策箭塞北咸
 驚宋將順昌旗邊戎盡懼矢繞樹而甘蠅乃死劍劈猊
 而未泚遂亡故金僕姑是男子壯圖而班蘭物固丈夫
 素業裹厨為鎧削蒿為箭尚能當矢石之鋒發劓之刀
 貫金之鏃豈不壯風雲之陣
 歐冶子鑄有五劍一純劍二湛盧三盤郢四魚腸五

巨闕

盤郢或曰豪曹

晉赫連勃勃造有百鍊刀一曰龍雀

一曰大環

吳都賦云甲則明光細鱗犀渠唐夷鳥

鏡太白殷之旗名

蔡邕云幽州突騎冀州強弩

四方有事未嘗不取辦於二州焉

古今注云桓公

之慈文公之琢莊公之忽太公之闕皆古之良劍也

以其色青如葱故曰葱

龍盾畫龍於盾也太乙神名兵法云

古者出師必列武備祭於太乙之壇龍盾蛇矛正武

備也滕王閣序云紫電青霜王將軍之武庫謂劍

也昆吾穆王劍甚鋒利照人如照水切玉如切泥

國語云越王伐吳衣水犀之甲者三千人 輿地志云繁弱之弓屈盧之矛皆古之異寶蓋繁弱屈盧二地名一出良弓一出利矛 越絕書越王被賜夷之甲伏勃盧之矛舞步光之劍蓋賜夷勃盧步光皆地名 魯陽公揮戈詳天文 武肅王錢鏐築捍海塘錢塘潮水衝激命强弩射之潮平遂成隄岸 諸葛亮攻郝昭於陳倉以雲梯臨城中昭令部下以火箭射之雲梯盡燒亮乃引退 斬蛇漢高祖斬虜許旌陽 落鴈李克用一箭射二鴈落鴈高駢一箭貫二

鵬 唐哥舒翰持半段槍擊吐蕃衆莫當其鋒號曰半段槍 魏典常持二戟各重八十餘斤軍中無敵 韓信既破趙遺燕王書云磨刀則太行山折燕遂靡號嚇蠻書 劉盆子與丞相以下二十餘萬人詣安陽降光武積甲於城西高與熊耳山等 史記燕太子丹命荆軻入秦刺秦王爲匕首以藥淬之中其鋒卽死軻以獻燕之輿圖爲名圖窮匕首見秦王覺之驚走乃得免 匕首短也 左傳鄭伐許穎考叔取鄭伯之蚤弧以先登 旗也 魏龐涓伐韓齊孫臏往救

涓帥師并行逐之孫子伏兵於馬陵道斫大樹白而
書之曰龐涓死此樹下涓暮至見白書以火燭之萬
弩俱發涓自刎死張良五世相韓為韓報讐募力
士飛鐵錐擊始皇於博浪沙中誤中副車大索三日
不得唐太宗討劉黑闥有一勇將衝至太宗以天
策大箭射殺之後傳此箭於北突厥大驚宋劉琦
與元术戰於順昌大敗之其後又復與戰於拓臯望
見大驚曰此順昌旗幟也即引去甘蠅學射於飛
衛欲擅其名遂欲射殺衛衛嚙鏃反射之蠅繞樹走

箭亦繞樹走蠅竟死朱泚亂德宗拔火精劍斫殿
上鐵狻猊曰碎小鬼如碎此狻乃應手而碎金僕
姑箭也班蘭物劍也齊敬兒曰我雖貧身邊猶有班
蘭物唐李元諒拒朱泚兵倉卒無備裴巖為甲劍
高為矢巖音記蘆葦也鏗聞上聲 矧礪石鏃箭頭之鐵

高○漁○天○
出謝開土卷
風首信蕙草
 蘭○幽○
曹李示蕙草未拆其
 故○滑○也○
出蘭幽也夜遊京日舟難育但數餘許
 上○燧○遊○
出日新小風城制此盛代數千前卒
 滑○亦○熱○
出夫豐竟天
 求○此○清○
出宋對火
 金○

樂具

遞○鍾○清○角○琴○內○芳○名○寒○玉○響○泉○瑟○中○佳○號○拍○板○稱○為○樂
 句○筵○篋○傳○日○坎○侯○磬○擊○浮○金○箭○裁○椽○竹○簫○吹○秦○女○樓○頭
 招○得○鳳○飛○來○瑟○鼓○瓠○巴○水○而○引○將○魚○出○聽○細○腰○鼓○賞○溪
 於○蕭○思○話○焦○尾○琴○製○善○於○蔡○中○郎○漁○陽○之○鼓○三○槌○禰○衡
 異○衆○緱○嶺○之○笙○再○奏○子○晉○飛○仙○琴○彈○於○令○尹○之○堂○斑○竹
 簾○前○博○雅○調○箏○近○於○美○人○之○手○研○羅○裙○上○放○嬌○聲○楚○樓
 笛○五○月○梅○花○奠○殿○簫○六○宮○楊○柳○虞○絃○試○撫○歌○阜○財○解○慍
 之○詩○李○笛○頰○吹○覺○裂○石○穿○山○之○勢○唐○帝○花○前○催○羯○鼓○笑

破朱唇漢妃馬上撥琵琶啼殘紅頰秦王擊缶響窮澗
 水之濱越石吹笳聲徹晉陽之塢于高作筵篔之引悽
 我心腸杜牧吟方響之詩炙人口脍夫鼓琴婦鼓瑟和
 樂且耽伯吹填仲吹箎及爾如貫天上一輪滿詩僧撞
 半夜之鐘江上數峯青文士賦清秋之瑟寧王愛笛五
 更倒著裳衣夫子聞韶三月不知肉味伯牙絃未絕悠
 悠然高山流水之音曾點瑟方希勃勃乎沂水春風之
 趣蹺卿捕彈處琴動殺聲浦牢異鯨時鐘宜洪韻高漸
 離學秦中筑無非忠義之音羅敷女彈陌上箏盡是堅

貞之操戍樓暮角吹起月輪僧寺晨鐘敲橫小柄箏彈
 而隱諷主上桓叔夏誠不凡使君琴破而不為伶人戴
 安道真守正君子
 遞鍾伯牙琴清角黃帝琴唐盧萬有寶瑟各數十
 內有寒玉響泉之號其音調尤佳唐韓愈皇甫湜
 一代龍門牛僧孺携所業謁之其首篇說樂韓見題
 即掩卷問曰且以拍板為甚麼僧孺曰樂句二公大
 稱賞釋名曰筵篔師延所作靡靡之樂後出桑間
 濮上之地師涓為晉平公鼓焉鄭衛分其地而有之

遂號鄭衛之聲為淫樂。箜篌之制二十有四絃。本名為坎侯。蓋言其坎坎然應節也。漢武起招仙閣。西王母進浮金之磬。蔡邕宿柯亭。柯亭之館以竹為像。邕仰視之曰：此美材也。取以為笛。音調絕倫。列仙傳：蕭史善吹簫。秦穆公以女弄玉配之。夫婦吹簫引鳳至。乃乘鳳仙去。穆公為之作鳳臺。荀子勤學篇云：匏巴鼓瑟。羣魚出聽。宋蕭思話年十許歲。好騎屋棟。打網腰鼓。見者異之。蔡邕在吳。聞人家爨下有桐。爆聲知為良材。請以為琴。琴成。尾有焦處。因

號焦尾琴。世說：禰衡被魏武謫為鼓吏。正月半試鼓。衡揚枹為漁陽。搥過淵有金石聲。四坐為之改容。孔融曰：禰衡罪同胥靡。不能發明王之夢。魏武漸而赦之。胥靡刑名。築者胥靡。商傳說事。漁陽三樹。曲名也。搥音參。樹職瓜切。音聲擊鼓也。周靈王太子晉善吹笙。作鳳鳴游緱山。道士浮丘乃引之上昇。緱音鉤。緱音宓。子賤為單父。丹鳴琴而治。又晉顧愷之為山陰令。垂簾鳴琴。縣境蕭然。箏詩詳虞絃詳。李詩：黃鶴樓中吹玉笛。江城五月落梅花。天文。笛中有梅花調。漢元帝能吹洞簫曲。被歌聲。楊柳之曲。

古事也

樂具

主

蘭雪堂

國史補云李暮得湘竹笛於月夜泛江吹之有賈客
 擊舟而至請笛吹之初吹魚鱉混漾再吹之山石俱
 裂疑客非常人或蛟龍也漢元帝官人欲幸者披
 圖以召官人多賂畫工昭君不與工毀其狀單于求
 婚上以昭君行召見帝悅之而名字已去不復留帝
 怒殺畫工昭君初適單于在路愁絕於馬上彈琵琶
 以寄恨世謂之昭君怨王嬌字唐帝擊鼓詳時令
 劉琨字越石在晉陽為邊騎所圍夜中吹笳動其
 寢土之思向曉乃解圍而去朝鮮霍子高晨起見

一狂夫涉河而渡其妻追止之不及墮河而死妻乃
 號天噓唏鼓篋篋而歌曲終投河而死子高援琴作
 其歌聲故曰篋篋引杜牧方響詩云數條秋水挂
 琅玕玉手丁當怕夜寒曲盡連敲三五下恐驚珠淚
 落金盤詩云伯氏吹塤仲氏吹篋及爾如貫諒不
 我知錢起寓宿客邸戶外有人吟曰曲終人不見
 江上數峯青默記之及殿試湘靈鼓瑟詩落句久不
 屬遂以此聯足之乃中選天寶遺事云寧王玄宗
 弟愛吹笛清曉聞笛聲披衣急起宮中歌曰愛笛寧

王顛倒衣裳。韓詩外傳伯牙鼓琴。鍾子期聽之。方鼓琴志在泰山。子期曰善哉乎鼓琴。巍巍乎若泰山。志在流水。子期曰善哉乎鼓琴。洋洋乎若流水。鍾子期死。伯牙擗琴絕絃。終身不復鼓之。以為世無知音。云。後漢書蔡邕在陳留。隣人嘗具酒。以名邕。邕至門。聞彈琴者有殺聲。遂不入。而反。主人追問。故邕以實對。彈者曰向。彈琴見螿。螿方鳴。彈彈將去。而水飛。螿為之一前一却。吾心聳然。唯恐螿之失。蟬也。邕笑曰。此足以當之矣。海中有獸曰蒲牢。畏鯨。

鯨擊之。輒大鳴吼。故作鐘。鑄蒲牢於鐘紐上。刻鯨魚以擊之。高漸離變姓名為人傭。以擊筑名。始皇召見。知其為漸離。令矐其目。漸離以鉛置筑中。漸近始皇。舉筑擊之。不中。遂見殺。古今注。邯鄲美女姓秦。名羅敷。為王仁妻。採桑陌上。趙王登臺。見而悅焉。欲奪之。敷乃彈箏作陌上之歌。以自明。曰使君自有婦。羅敷自有夫。東方千餘騎。夫婿在上頭。王知其不可奪。乃止。唐人詩云。暮角月輪上。晨鐘斗柄橫。世說補。王國寶構謝太傅於孝武帝。太傅患之。帝一日

召桓叔夏飲太傅亦在坐帝命桓吹笛桓神色無忤
 即吹為一弄又請以箏歌帝許之桓撫箏而歌曹子
 建怨詩曰為君既不易為臣良獨難忠信事不顯乃
 有見疑患周且佐文武金滕功不刊推心輔王室二
 叔反流言聲節慷慨俯仰可觀太傅泣下沾襟乃越
 席就之將其鬚曰使君於此處不凡世說戴逵字
 安道少有文藝善琴武陵王晞使人召之逵對使者
 前打破琴直語云戴安道不能為王門伶人竟不屈

雜具

簾編翠羽炭蕤烏銀輕車名曰飛舲素扇稱為純箑烏
 號勁健禹湖留黃帝之遺弓七首光芒燕國刺蔡王之
 利刃風胡劍可泣鬼神光武鑑頓安社稷龍涎雞舌香
 分海島之春鷓首鴨頭舟泛江心之浪鑰因魚製取魚
 目常惺杖以鳩成重鳴喉不咽洗清巢父耳怡空韻磬
 之琴講究聖人書雅稱臯比之席梁魚樹於殿舍義有
 攸存刁斗擊自軍營聲其有警銀床井上物紛紛梧葉
 飄來畧杓水壺橋片片揚花撲遍長明公固梵堂不滅

之燈壽光客是粧閣無塵之鏡答省收於漁父捲去夕
 陽○襪○荷○於○農○人○披○來○朝○雨○坡○老○固○無○往○興○賓○筵○上○僅
 持○蕉○葉○之○杯○遠○公○溪○有○奇○思○荒○宇○中○巧○製○蓮○花○之○漏○翠
 華○旗○光○搖○漢○苑○白○玉○管○響○徹○唐○宮○周○代○作○指○南○車○去○向
 三○年○不○爽○殷○人○設○記○里○鼓○程○途○歷○萬○里○無○差○齊○子○班
 蘭○物○可○壯○生○平○米○家○書○畫○船○足○怡○素○志○龍○山○會○上○且○忻
 紗○帽○之○猶○存○破○冢○洲○前○猶○喜○布○帆○之○無○恙
 漢○武○起○招○靈○閣○編○翠○羽○麟○毛○以○為○簾○孟○郊○詩○云○青
 山○曰○屋○有○仁○人○贈○炭○價○重○雙○鳥○銀○漢○夜○乘○七○發○云

將為太子馴麒麟之馬駕飛輪之輿風俗通云山
 之東曰扇西曰筵史記云黃帝鑄鼎將成有龍下
 迎帝騎龍上升羣臣攀龍髯而泣隨下其弓因謂之
 鳥號七首詳前武具楚風胡鑄寶劍三一龍淵二太阿
 三工市漢光武曰赤眉來吾當折筮以笞之海
 島一木有四香根曰旃檀節曰沉香膠曰薰陸花曰
 雞舌漢諸郎含雞舌香使口不穢鷓首鴨頭皆丹
 製也江東人畫鷓鳥於舟首厭水怪故船名曰畫鷓
 魚在水中晝夜不瞑目故鑰曰魚鑰儀禮志云

民年七十者授之玉杖。杖端以鳩為飾。鳩者不噎之
 鳥。欲老人不噎之義。古琴詩調養聖賢心。洗蕩巢
 出耳韻。磬唐李勉之琴。前師生。琴比詳。琴
 紀未央宮東闕。琴瑟註云。琴瑟復思也。臣將請事於
 此。復思故曰。琴瑟。琴瑟音。斗以銅為之。可為炊
 軍中夜則擊之以巡警。銀床井欄也。李詩云。梧桐
 落金井。一葉在銀床。畧杓小橋也。以獨木為之。
 長明公佛堂燈也。唐白樂天以其四時不滅。故呼之
 云。唐人謂鏡曰金烟。亦曰壽光。客又曰壽光先生。

答箸取魚之器。答音陵

答音新

襖。雨具也。卽今之簑。

衣。襖音鉢。襖音釋

瓊言。蘇東坡嘗謂人曰。吾兄子明飲酒

不過三蕉葉。吾少時望見酒杯而醉。今亦能蕉葉飲

矣。古有蕉。遠公居廬山。作蓮花之漏。以銅葉製器。

狀如蓮花。置盆水上。底孔漏之。水半之則沉。以分晝

夜。雖冬夏短長。雲陰月黑。無少差。相如上林賦。天

子建翠華之旗。明皇雜錄云。安祿山上獻明皇白

玉管簫數百。周成王時。越裳氏重譯來朝。迷其歸

路。周公乃為之作指南車。三年得返其國。既歸。車轉

之鐵殆盡地理詳記里鼓殷人所作一名大章車劉

裕滅秦得之有木人執槌向鼓行一里打一槌指南

車之類班蘭物詳上武備宋米芾善書好蓄書

畫為淮間發運使揭牌行舸曰米家書畫之船世

說顧長康作殷荆州佐告假還東殷給以布帆至破

冢洲遭大風舟幾覆而免顧乃使人附箋與殷云地

名破冢冀破冢而出行人安穩布帆無恙

元蘇音翰齊言瀛東與嘗隄人曰吾只午地燭

齊音檢齊音翰齊言瀛東與嘗隄人曰吾只午地燭

齊音檢齊音翰齊言瀛東與嘗隄人曰吾只午地燭

雜具二

鏡日方諧杯名不落土銼固為炊之具轉轡乃汲井之

需炬擁金蓮光騰翰苑燎燒樺燭暖入宸居金蕉葉玉

蟾兒皆可獻酬賓席錦文牋龍香劑悉堪利用文房朱

亥袖中椎推山倒岳沛公馬上劍泣鬼驚神香銷處知

金鴨將寒漏靜時覺玉龍欲渴頰水之瓢不響處士清

高蒲關之劍有聲征夫踴躍浪翻雷澤梭飛陶母之龍

雲繞巨廬案化葛仙之鹿段秀實擊朱泚笏聲勢雷霆

傅介子刺樓蘭刀威稜冰雪太乙吹青藜火夜分天祿

之光坦平獻白玉杯春藹長安之瑞鄴縣玉棺飛下紫
 氣氤氳汾陰寶鼎現來絲雲繚繞冬寒凜凜煖生紋楸
 王之棋夏熱炎炎涼起紫龍髯之拂蕝山扇頓增高價
 單父琴自裊餘音蹴落春紅燕尾香啼殘瘦玉蘭心吐
 若個善吟燭剪兩頭齊放雙龍眼一爆輕試二月雷是
 誰巧詠燈花金屈戌良匠新成穩氍毹美人舊贈唐徐
 生異香馥郁返來先祖之魂秦皇帝寶鏡光明照見宮
 娥之膽人生如得意繡屏前可合美女周旋壯士欲爭
 衡臥榻側不許他人鼾睡

方諸珠名光芒可鑑以鏡光明亦曰方諸樂天詞
 銀不落從君勸銀不落酒杯也土銼瓦鍋也高士
 傳云王褒家甚貧經日土銼無煙轆轤井上汲水
 圓軸世說補合狐絢在翰林日夜對禁中帝命以
 乘輿金蓮華炬送還院吏望見以為天子來俄傳呼
 曰學士歸院宋蘇軾亦然宋朝每正旦曉漏前列樺燭
 象城曰火城以俟天子之御殿樺音李適之有酒
 器名曰金蕉葉玉蟾兒錦文牋謂紙龍香劑謂墨
 朱亥詳勇敢穎水詳恬淡漢高祖曰吾以三尺劍從馬上取

天下○唐人詩云香銷金鴨冷○漏靜玉龍乾○金鴨謂
 爐○玉龍謂漏○耿弇追張步至蒲關○劔有聲○謂人曰
 是○必克敵者○步走平壽○弇勒兵入城○斬之○陶侃母
 棄梭於雷澤○忽化為龍而去○晉葛仙翁隱匡廬○刻
 桐木几案三足○忽一日化為白鹿○時出於山○遂白日
 登仙○鹿音已朱泚欲僭位○段秀實唾面罵曰○逆賊
 可磔汝萬段○我豈從汝反邪○舉象笏擊之中額流血
 漢元鳳中○龜茲樓蘭嘗殺漢使○傳介子齎金幣以
 賜賚為名○樓蘭王貪寶物○請見介子使壯士刺殺之○

詔封義陽侯

黎杖詳文章
玉棺詳傷逝

漢書新垣平獻白玉

杯○以為天瑞○蓋詐也○漢武時汾陰出一寶鼎以為

瑞○改元元鼎○唐時日本國進煖玉紋楸棋局○冬月

圍之不寒○以為至寶○玉之蒼
色如楸唐元載有紫龍髯之

拂○夏月執之○絕無暑氣○蚊蠅皆遠跡○晉王羲之在

蕺山○見一老姥持十許六角扇○羲之因各書五字○姥

有慍色○羲之曰○但云王右軍書○可獲重價○老姥持扇

賣之○得錢數千○蕺音戢菜名
姥音母老母燭剪詩唐方干所作

燈花詩明朝宋濂公所作○李商隱詩云鎖香金

屈戌屈戌蓋牕牖間鉸釘環紐之名古詞美人贈
 我瓊髀毵毵毛褥也毵音渠唐徐肇遇蘇德哥
 自言有返魂香香煙直上可以見先靈此亦方士之
 儔西京雜記秦始皇有方鏡甚異照人灼見心膽
 凡宮中女子有邪心者照之即膽悸心動亦偏側不
 正古詩座擁金釵十二行宋太祖欲伐江南徐
 鉉入奏乞罷兵上曰江南主有何罪但臥榻之側豈
 容他人鼾睡耶

雜具三

案名青玉壺曰偏提婪尾是最後之杯嚙矢乃當先之
 箭金鑿落別稱飲犖玉參差另號鳴簫鏡照朱顏却曰
 壽光居士鑷驅白髮豈非却却老先生朱箔是夏侯氏妓
 衣青檀固子敬家祖業劉荆州三雅爵飲中迥有高懷
 孫處士一絃琴彈處更饒逸趣牙檣錦纜非帝苑無是
 繁華茶竈筆牀惟隱家有茲風味折轅車乘自漁陽太
 守無絃琴蓄於柴桑主人睡愛珊瑚枕上凹人情乃爾
 飲憐琥珀杯中好我意猶然唐堯之諫鼓無聲夏禹之

破宗生之浪石季龍坐五香席上李太白臥七寶牀中
雨澤淋漓尼父不假商之蓋雪花片片蘇卿惟嚼漢之
檀子房借沛公箸闢漢基敬德奪元吉稍興唐祚大才
小用函牛之鼎烹雞壯志雄施殺雞之刀屠狗披忠肝
於殿陛申屠觸天子之輿伸大義於朝廷袁盎却夫人
之席庾老據胡牀談詠諸佐皆歡孔明執羽扇指揮三
軍用命以聖賢為拄杖却優於九節蒼藤用仁義作劔
鋒絕勝於七星白刃上公膺寵命已知高坐肩輿末士

少英雄可惜倒持手版

瓊杯綺食青玉案使我醉飽無歸心李白詩拾遺記
元和間酌酒壺謂之注子後仇士良惡其名同鄭注
乃去其柄安繫名曰偏提樂天詩三杯藍尾酒藍
尾亦謂婪尾通用山谷云安能為人作嚆矢嚆矢
蓋矢之至猛者姜白石詩云剪燭屢呼金鑿落倚
臆閑品玉參差鑿落酒杯名參差簫名一僧虔晚
年惡白髮一日對客左右進鑷子客笑曰却老先生
至矣夏侯妓衣詳寵妾世說王子敬夜齋中臥

古直苑 雜具 三 蕭厚堂

有羣偷入其室盜物都盡王徐曰偷兒青瓊我家舊
 物可特置之荆州劉表有爵曰三雅大者伯雅梢
 次者仲雅小者季雅隨量飲之晉孫登隱士也嘗
 彈一絃琴以自適錦纜牙橋詳富貴篇茶竈筆牀
 陶淵明號柴桑主人有琴無絃人問其故答曰但
 識琴中趣何勞絃上聲唐人詩云飲憐琥珀杯中
 滑睡愛珊瑚枕上凹凹於交六帖云唐堯時設有
 敢諫之鼓夏禹懸鞀詳君道世說庾公權重足
 宗慤乘風詳武職
 傾王公庾在石頭王在冶城坐大風揚塵王以扇拂

塵曰元規塵汚人庾亮扇曰便面張敬傳以便面
 拊馬拊擊也鄴中記云石季龍作席以錦褰五香雜
 為五采緣之以錦延待賓客李白被召明皇以七
 寶牀置之金鑾殿中使白坐臥之其寵遇如此家
 語云孔子將行天雨之蓋門人曰商也有之孔子曰
 商之為人也甚恡於財吾聞與人交推其長者遺其
 短者故能久也遂不假其蓋而行蘇卿詳天文子
 詳武職申漢書云以函牛之鬲烹雞小之乎其用
 屠詳忠直也蜀張雲為補闕自比朱雲景潤澄曰昔朱雲請

上方斬馬劍。今上方只有割雞刀。卿欲用乎。雲曰：雞刀雖小，亦足屠羣狗。漢文帝幸慎夫人，在禁中嘗與皇后同席坐。袁盎引却之，曰：尊卑有序，陛下獨不見人疑乎。夫人乃悅，上賜盎百金。庾亮詳前天文世說補諸葛亮與司馬懿治軍，渭濱克日交戰。司馬戎服蒞事，使人視武侯，獨乘素輿，葛中毛扇，指麾三軍，隨其進止。司馬歎曰：諸葛君可謂名士矣。陸賈新語君子居高處上，則以仁義為巢，乘危履險，則以聖賢為杖。陳思王征蜀論：今以謀謨為劍戟，策畧為旌。

旗。肩輿，輻也。鍾繇為三公上，特加寵遇，使之肩輿入朝。晉桓溫將移晉室，召謝安、王坦之，欲於坐害之。既見，坦之汗流沾衣，倒持手版。安從容謂曰：安聞天下有道，守在四裔，明公何須壁後置人。溫笑曰：正自不能不爾。

飲餌
之佳。黃州數月見之。絕。黃帝上筋。骨。殘。幾。成。王。叙。湯。餅。

刀雖小亦足屠羣狗。漢文帝幸慎夫人在禁中。見人執平夫人乃悅。上賜益百金。自不泊不爾。司馬懿治軍。渭濱克日交戰。司馬懿。天下有。張中。非四。喬即公。何。聚。置人。顯。笑。曰。丑。之。獨。貝。且。之。平。亦。出。元。國。許。手。則。安。與。容。隔。曰。對。聞。人。傳。晉。臥。鳳。舞。舞。晉。室。古。撫。丈。王。與。之。始。飲。坐。寒。然。其。骨。與。神。也。鯨。給。為。三。公。士。林。吹。竽。鼓。對。之。骨。與。



蕙雲堂古事苑定本卷之十一

饒安。鄧志。謨。景南。編輯。戴。珉。潔。澄。西。冷。一。戴。璫。璫。澗。石。叅。定。飲。饌。玉。薤。翠。濤。酒。名。志。勝。金。壘。玉。鑰。殺。品。標。奇。飯。精。推。雲。子。之。佳。羹。好。數。月。兒。之。絕。萸。蒿。上。筋。嚼。殘。幾。股。玉。釵。湯。餅。翻。匙。攪。亂。數。條。銀。線。江。熬。薦。酒。美。於。西。子。之。唇。春。筍。供。

盤嫩若楊妃之指五侯鯖郎官膾愈出愈奇雕胡飯錦
 帶羹益食益妙鷄胸猩唇鱗脂鯉尾總是奇珍豹胎熊
 掌璃髓駝峯無非貴品炮鱉而克嗜慾還思鱉着兩裙
 燒鷺而恣朵頤且願鷺生四掌長腰粳米精鑿流香縮
 項鰠魚肥鮮溢美胡麻飯飽天台仙客竹葉醪醉上若
 遊人吸唐殿之杯羹白髮一宵盡黑散齊空之鉢飯飽
 腸七日無饑飲醇量若劉伶陸玩醉為傖鬼嗜茗性同
 陸羽王濛死作茶仙審劉邵之鼎內仙散葱嶺碧雞雉
 陵縹翠數孫甥之筵中貴物西山棗栗南海蛤蚌芡念

肉山縱峻得飽即休猶知酒海雖深遇酣則止故雅士
 不吞腥啄腐而壯夫豈枕麩籍糟種林不種杭陶公若
 以酒為命窖粟不窖責任氏則以食為天
 玉薤隋煬帝酒翠濤魏左相酒隋時吳郡獻松江
 鱸煬帝曰金鑿玉鱸東南之佳味也世說南人魚
 鱸以細縷金橙拌之號為金鑿玉鱸杜詩云飯抄
 雲子白唐柳公權作龍城記進呈文宗上方御剪
 刀麵月兒羹即命分賜之唐人詩云湯餅一盃銀
 線亂萋蒿數筋玉釵橫湯餅也唐王履道有人名飲

謝詩云○供盤春筍楊妃指○薦酒江螯西子唇○螯音放
 漢樓護字君卿媚事五侯○各得其歡心競致奇膳○蟹大足
 護合以為鯖甚美人號五侯鯖○五侯漢成帝母
 翰秋日思吳中鱸魚繪蓴菜羹遂命駕歸作膾以即○張
 官為名○世詩滑熇雕胡飯○香聞錦帶羹○雕胡飯菰
 米飯錦帶吐綬雞名以此為羹其美可知矣○豹胎
 熊掌白鷄胸猩唇紫駝峯斑螭髓素鱗脂金鯉尾俱
 奇珍異味即曰八珍○又禮經註疏云八珍淳熬淳母
 炮豚炮牂擣珍漬熬肝膋也○淳音醇母音
 唐僧光

謙酒肉沙門也嘗云願鷺生四掌鱘着兩裙宋人亦
 有云白鷺存掌鱘留裙昔方干與冷朝陽為友冷
 曰吾欲訪君何以故我方曰長腰粳米縮項鱸魚耳
胡麻飯
 每出遊其處酣醉而歸唐李林甫壻鄭平髮早曰
詳神仙
 李謂鄭曰帝明日當賜甘露羹鄭郎食此髮當黑因
 與平食之髮一夕盡黑傳燈錄云釋迦從齊國乞
 飯一盂望空中散之齊之民人腹皆飽有七日而不
 食者世說劉伶病酒渴甚從婦求酒婦涕泣諫曰

君飲太過非攝生之道必空斷之伶曰甚善我不能
 自禁當祝鬼神誓斷之便可具酒肉婦從之伶跪而
 祝曰天生劉伶以酒為名一飲一斛五斗解醒婦人
 之言慎不可聽便引酒進肉隗然已醉矣世說陸
 太尉詣王丞相王公食以酪陸還遂病明日與王
 牋云昨食酪小過通夜委頓名雖吳人幾為伶鬼陸坑
 王導陸羽號甫里生性愛茶著有茶經王濛亦酷愛
 茶濛疾語家人曰吾將死矣可題其神道曰晉茶仙
 之墓劉邵七萃烹雋陵之縹華蒸葱嶺之碧雞

孫承祐吳越王之甥也奢僭異常嘗宴客指其盤筵
 曰今日坐中南之螯蟬北之紅竿東之鰕魚西之棗
 栗莫不畢具可謂之小四海矣蟬音山埃史記云紂
 王以肉為林以酒為池一鼓而牛飲者三千人左傳
 云有酒如澠有肉如陵應瑗新詩云有酒流如川有
 殺積如岑吞腥啄腐文選句枕麪籍糟見酒德
 頌晉陶淵明為彭澤令公田三百畝令家人悉種
 秫妻子固請種秔乃使二頃五十畝種秫五十畝種
 秔秫音術即儒也秔音耕猶稻也史記云秦二世敗豪家爭取金

實害之。任氏獨害粟。及楚漢相距。榮陽民不得耕種。米價騰貴。其富家之金玉盡歸於任。害音教

王以肉為林。以酥為水。一筵而中。燔燔三千人。王莫不畢具。何謂之小。四德矣。此音藉。王史請元。日今日坐中。南之。飲。轉。非。之。珠。年。東。之。難。魚。西。之。東。將。承。詔。吳。妖。王。之。興。出。書。晉。興。常。嘗。宴。客。其。其。盤。盡。

飲饌二

酒曰麴。生鹽名食。將首山多嫩。蕨連雲。收稚子之拳。乳窟有新茶。帶露煮。仙人之掌。顏子淵食墨埃之飯。可與言權。曹孟德思雞肋之湯。善於處變。筵中誇妙品。漢樓護鯖製五侯。席上列奇饌。晉何曾餅蒸十字。鱠化左異人之蝶。銀絲翻作銀鬚。飯成葛仙子之降。玉粒化為玉。脯食防風之粥。口七日而猶香。飲中山之醪。夢三年而始醒。光武食蕪蕒之豆粥。少焉稱帝。須知轉苦為甘。季思吳郡之尊羹。倏爾辭官。可羨棄濃即淡。楓林社日。

鼓東方生割肉遺細君。沙磧浙江湖南粵。主投醪飲壯
 士。高陽王每飯十八種。性儉可風。李太白一傾三百杯。
 興豪莫敵一蟹百錢。聖主九重頻輟膳。三錢斗米行商
 千里不齎糧。洪舜俞上若醉醱醱。王逸少東牀啖胡餅。
 若個向瑤池之上。啜翻王母霞觴。是誰從衡嶺山頭。飽
 罷神人玉屑仙。姝欲遇劉郎洞口。食胡麻使客初來。趙
 相薦中陳海錯。玉糝羹美珍於艾。老雕胡飯滑憶於杜
 公。年不逢饑釜內。更無榆屑粥。客來話舊盤中。惟有水
 晶鹽。

世說葉法善有道術。一日與朝士會。忽有人稱麴生
 秀才。入坐內。言語不凡。葉疑其非人。潛以飛劍擊之。
 應手墮地。乃一酒榼。中有美醞。飲之同坐曰。麴生味
 不可忘。王莽詔云。酒百藥之長。鹽食穀之將。唐
 詩。蕨生渾是小兒拳。李白玉泉寺茶序。荊州玉泉
 寺有乳窟。玉泉交流。中有白蝙蝠。大如鴉。飲乳長水。
 邊有茗草。名曰仙人掌。家語。孔子絕糧陳蔡間。既
 而覓米一石。命顏回炊之。有埃墨墮甑中。回食之。孔
 子命回進飯。以祭。回對曰。埃墨墮飯中。祭之不潔。棄

之。可。惜。回。食。之。矣。孔。子。曰。回。可。與。權。世。說。揚。德。祖。為。主。簿。時。操。既。平。漢。中。欲。討。劉。備。而。不。得。進。欲。守。又。難。為。功。護。軍。不。知。進。止。操。出。教。唯。曰。雞。肋。外。曹。莫。能。曉。德。祖。曰。夫。雞。肋。食。之。則。無。所。得。棄。之。則。殊。可。惜。公。歸。計。決。矣。乃。合。白。外。稍。嚴。俄。操。殂。師。時。人。服。其。幾。決。習。何。曾。位。太。常。性。奢。侈。一。日。食。萬。錢。猶。云。無。下。筋。處。凡。所。蒸。之。餅。不。裂。開。十。字。則。不。食。左。慈。有。異。術。以。鱸。一。筐。為。曹。操。勞。軍。所。俵。悉。遍。餘。者。尚。多。忽。風。起。皆。化。為。蝴。蝶。而。去。
銀絲指鱸 萬仙詳神仙 唐白 銀鬚指蝶 玉鬚謂蝶也

居。易。在。翰。林。帝。賜。以。防。風。粥。一。甌。食。之。口。香。七。日。藝。文。劉。元。石。於。中。山。酒。家。沽。酒。酒。家。與。千。日。酒。飲。之。大。醉。其。家。以。為。死。葬。之。後。酒。家。計。日。往。視。之。令。開。其。棺。醉。始。醒。也。唐。詩。安。得。中。山。千。日。酒。醲。然。直。到。太。平。時。漢。光。武。為。王。郎。所。追。至。蕪。萋。亭。天。寒。眾。皆。餓。疲。馮。異。進。豆。粥。明。且。帝。謂。曰。昨。得。公。孫。豆。粥。饑。寒。頓。解。
張季鷹東方朔 越伐吳有人獻醇醪王使投之 亭俱詳時令

上。流。令。軍。士。下。流。飲。之。軍。士。感。其。惠。之。均。無。不。踴。躍。用。命。唐。高。陽。王。性。儉。素。每。食。止。川。韭。薑。韭。茹。或。謂。

之曰高陽王每飯十八種謂二九一十八也李白

詩青竹葉綠醪一日須傾三百杯一蟹百錢詳君道篇

唐書云太宗之時民間富庶斗粟三錢行人雖越千

里不齋糧洪舜俞詳上篇王逸少詳婚姻許碯嘗醉吟曰園苑

花前是醉鄉啜翻王母九霞觴羣仙拍手嫌輕脫謫

向人間作醉狂唐鄭仁本遊嵩山見一人謂曰月

乃七寶合成者其缺處有三萬人修之吾數中一人

也因示以釜鑿既而取玉屑飯與之曰食此可以延

年胡麻飯詳神仙雕胡飯詳前篇宋太祖幸趙普第適有使者

獻海錯數甕太祖曰此味必佳可取食之及開視之

皆瓜子金普大慚楊誠齋詩莫將南海金鑿鑰輕

比東坡玉糝羹糝羹感切轍上聲東坡以芋羹羹唐書云楊城字

亢宗歲飢屏跡不過隣里屑榆為粥講論不輟或有

哀其窮送米者城終不受李詩飽千里尊留一醉

盤中祇有水晶鹽東陽美雲

盤中添水水晶盤
莫其釀淡米香烈絲不受
京宗滋潤和極不極
此東與玉參羨
昔入下金普大洲
鴉商龍樓襲太酥曰此和必非可與食之及開即之

飲饌三

雀舌龍團悉為佳茗蘭生桑落總是醇醪
秋山肉旋割
旋生青田壺愈傾愈溢我愛鷺兒黃似酒雅可怡情入
言雀子軟於綿最堪適口豆腐屬淮南妙術切時軟玉
流香醴漿本儀人真傳酌處浮金起艷千里蕞羨未下
鹽豉兩般佳味未尋常富平石凍陽羨雲芽一樣芳名
無殿最王武子飲狔用夫人乳預備肥甘陶鐵牛烹茗
融以雪花雅高清潔牛心作炙固周氏美殺饕熊膽和
丸乃柳家苦滋味釀成竹葉甕邊是畢吏部醉鄉筭罷

梨花市上為李翰林樂地。破柑霜落爪。嘗稻雪翻匙。此則何時哉。飲酒臉生霞。嚼瓜水繞齒。伊誰其人也。食飴多旨。珠玉義之。含以弄孫。受鮮有餘。嫌陶氏母還而責。子多才之士。謝茶而贈我好歌。好事之徒。載酒而問人。奇字漿酒。藿肉畢竟奢。華林脯堤槽。寧非饕餮。挹東海以為醴。庶暢高懷。折瓊枝以為饘。可舒雅志。又笑必九江之水。漬麩蘖飲也。如流更何須。七澤之藥。克退腐食之無饜。人有取於孟夫子食前方丈。得志不為我方重。夫劉先生飯後三杯。養生有道。

坡咏茶詩。揀芽分雀舌。賜茗出龍團。杜詩。茶莫貴於龍鳳團。以茶為圓餅。上印龍鳳文。供御者以金粧龍鳳。凡八餅重一斤。慶曆間。蔡君謨始造小片。凡二十餅重一斤。天子每南郊致齋。中書樞密院各賜一餅。官人鏤金其上。蘭生。漢武帝酒名。蜀人趨桑落時。釀酒極佳。故名桑落。山海經云。狄山有視肉。形如牛肝。兩目能視。割而食之。肉盡復生如故。青田國有異果。其核甚大。可容斗米。納米其中。不逾時成酒。可供二十人飲之。號青田壺。坡詩云。鷺兒黃。

似酒。坡詩通印子魚猶帶骨。披綿黃雀謾多脂。應通
 廟前魚其大可。印。豆腐係淮南王安所作。唐人
 者最佳。謂通印子魚。魚
 詩云。旋乾磨上流。瓊液煮月鐙。中滾雪花。又云。筋上
 凝脂滑。鐙中軟玉香。帝王世紀。儀狄造酒。禹飲而
 甘。之曰。後世必有以酒亡其國者。遂疏儀狄而絕旨
 酒。唐人詩云。浮金漱灑光。晉陸機詣王武子。武子
 出。卒酪。謂陸曰。卿江東何以敵此。陸曰。有千里蓴羹
 但木下鹽豉耳。千里末下國史補云。酒有富平之
 石凍春。樂陽之上窟春。其最佳者。陽羨。宣州地名。

雲芽佳茗也。王武子詳富貴王羲之年十二。周
 顓異之。周顓家宴客。牛心炙坐客未啖。乃先割以啖
 羲。之由是羲之乃知名。熊丸詳倫行晉畢卓為
 吏部。性嗜酒。聞隣舍酒熟。夜抵其家盜飲。飲醉臥於
 甕邊。主人覺而縛之。及燭之。乃畢吏部也。李太白
 供奉翰林。日往酒肆中酣飲。時人謂曰。長安都市上
 只在酒家眠。杜拾遺賦。孟冬詩云。破柑霜落。瓜嘗
 稻雪翻。冠。唐冷朝陽賦。詩云。嚼瓜冰繞齒。飲酒臉
 生霞。以示方于。于曰。此二句可擅詩壇旗鼓。王羲

之書云。牽諸子抱弱孫。一味之甘。割而分之。以娛目。
 前後漢馬皇后曰。吾但當含飴弄孫。陶侃為監魚
 吏。遺母以鮓。母還鮓。責之曰。汝為吏。取鮓。何不避嫌。
 吾不食此。以玷汝之名。盧仝謝孟諫議惠茶歌云。
 日高丈五睡正濃。誰人扣門驚周公。口傳諫議送書
 信。白絹斜封三道印。開緘宛見諫議面。手闕月團三
 百片。云楊雄家貧嗜酒。人希至其門。時有好事
 者。載酒從雄。處問奇字。鮑宣疏云。董賢奴從賓客
 漿酒。藿肉。言視酒如漿。視肉如藿。皆奢侈之意。見

記。紂王懸脯為林。築糟堤可望三十里。曹植與季
 重書。舉泰山以為肉。擿東海以為酒。楚辭。折瓊枝
 以為飴。古有羗人。桃腹。每醉中好言王者興亡事。
 常云。九河之水。不足以漬麩。八數之木。不足以為
 薪。蒸七澤之藥。不足以克庖。狙言渴於酒。時人呼為
 渴羗。武帝授以酒泉太守。腹承醉拜受焉。楚有七
 澤。麋鹿之最大者。或問劉屏山先生攝生之道。屏
 山曰。每飯後飲茶三杯。散武百步。則庶幾無疾病歟。
 此攝生第一義。

翠。與。則。之。如。大。昔。大。開。隱。見。山。我。主。謝。生。之。能。無。
 國。美。五。帝。對。以。斷。泉。太。字。顯。承。和。非。受。益。豈。育。子。
 燕。燕。才。華。之。藥。亦。以。京。以。推。言。國。外。斷。却。入。平。為。
 常。云。武。所。之。水。不。只。以。黃。陂。藥。入。地。之。木。不。只。以。魚。
 以。為。鱸。古。有。送。入。湖。歸。我。袖。中。似。言。工。皆。興。寸。車。
 重。書。舉。泰。山。以。為。肉。與。東。苑。以。為。斷。豈。補。計。豈。以。
 情。格。王。繼。龍。為。林。葉。辭。賦。四。望。三。十。里。曹。琳。與。李。

蔬。菜。非。名。豐。木。萼。曰。露。葵。西。山。嫩。歲。生。成。鉤。弋。之。拳。北。苑。佳。
 瓠。剖。出。莊。姜。之。齒。若。蘋。若。藻。羞。厥。王。公。如。芋。如。葱。厭。於。
 處。土。綠。葵。翠。薤。殖。盈。鍾。阜。之。區。紅。莧。紫。茄。種。滿。吳。興。之。
 圃。豐。非。葉。盈。翠。髮。剪。却。還。生。子。薑。芽。嫩。嫩。柔。尖。浣。來。
 未。損。瓜。種。於。故。侯。手。裏。分。戎。赤。白。青。黃。豨。食。於。措。大。口。
 中。嚼。出。官。商。角。徵。元。修。蠶。豆。自。古。稱。佳。諸。葛。葛。菁。迄。今。
 猶。賴。殘。齏。適。口。仙。庖。中。可。比。鳳。胎。嫩。韭。益。脾。藥。肆。中。足。
 當。鍾。乳。水。晶。葱。玉。板。筍。惟。產。名。邦。虬。髯。苔。熊。蹯。菘。悉。歸。

古事苑

蔬菜

三

古事苑

老圃果之厨下韭茹紛紛播遠香江泌園中菜心勃勃
 舍生意生薑盜毋萎留子盡付園丁蘆菘生兒芥有孫
 頻克鼎味見說苦茶甘似薺亦聞蘿蔔滑如酥曾言水
 藻綠於藍始信山菰紅似血一介清操端士卻友人之
 蒜滿腔誠意野人獻天子之芹冬霜凜凜未嘗殺綴翁
 圃內西瓜朝日團團方且照薛子盤中苜蓿秋風官况
 淡張季鷹憶江上之萼暮雨客情濃郭有道剪畦中之
 韭稱罕指芋儒林之笑何當逸馬踐葵漆室之憂未解
 苦心樓箭偏勞蘇學士之吟長柄葫蘆更動張司空之

問任棠多隱語教人拔薤擊彈宗孫氏有陰功待士設
 瓜開帝業露芝採盡綺里季作千古逸民火芋食殘李
 長源領十年宰相雖云賣菜傭鄙士寧知棄蔬客高人
 有人若咬斷其根作用間自無難事為士倘不知此味
 品評處安見貞操
 禮記韭曰豐本顏氏家訓云有蔡郎者父名純遂
 呼萼為露葵後因倣之楊廷秀咏笋蕨詩云齊國
 老萊新脫錦漢宮鉤弋未開拳鉤弋詳劉彥仲鄒
 詩一線解瓊瑤中有佳人齒又詩美莊姜齒如瓠犀

又音互

左傳云蘋蘩蕒藻之菜潢汙行潦之水可

薦於鬼神。可羞於王公。徐無鬼見魏武侯。武侯曰

先生居山林。食芋栗。厭葱韭。以擯棄寡人久矣。齊

周顛隱鍾山。王儉謂曰。卿在山中何所食。答曰。赤米

白鹽。綠葵。紅菹。問菜何佳。曰。春初早韭。冬末晚菘。

梁蔡博為吳興守。郡齋前自種紅苺。紫茄。詔褒其清

劉彥仲咏韭詩。肉食朝三九。終憐氣味清。一畦春

雨足。翠髮剪還生。柔尖謂指也。劉彥仲子豐詩云。

新芽肌理膩。映日淨如空。恰似勻粧指。柔尖帶淺紅。

邵平者。故秦東陵侯也。秦滅。侯為布衣。種瓜長安

城東。瓜有五色。甚美。故世號東陵瓜。從邵平始也。又

謂青門瓜。青門即東陵。宋范仲淹未第時。曾作蠶

賦。措大秀才也。謂能舉措大事。互詳人事元修菜一名

巢。即蠶豆也。東坡嘗云。菜之美者。吾鄉之巢。故人元

修嗜之。予亦嗜之。故蜀人呼元修菜。蔓菁。即蘿蔔

也。諸葛屯軍處。即令軍士種之。因號諸葛菜。宋太

宗問蘇易簡。食品何珍。對曰。物無定味。適口者珍。臣

一夕寒甚。擁爐痛飲。夜半忽燥。中庭月明。雪中覆有

殘羹連咀數根。自以為仙庖。鸞脯鳳胎不及此。上笑而然之。唐人詩云。韭為草鍾乳。芡是水人參。宋神宗問歐陽公。吉州所產。公對云。金柑。玉板。笋。銀杏。水晶。葱。乳鬚。苔。熊。躑。菴。見洪舜俞老圃賦。世說補。庾果之清貧。食惟有韭菹。瀹韭生韭。襍菜。或戲之曰。誰謂庾即貧。食有二十七種。謂三九二十七也。齊江泌性仁孝。食菜不食心。唯食老葉。人問其故。答曰。恐傷其生意也。生薑盜母。菘留子。唐人諺語。卽今亦云。芒種栽薑。夏至偷娘。菘音緩。香菜也。關丁蒔菜之人。蘇子

瞻詩。秋來霜露滿東園。蘆菔生兒芥有孫。我與何曾同一飽。不知何苦食雞豚。毛詩。誰謂荼苦。其甘如薺。茶苦菜也。唐人咏蘿蔔詩。一天風露嫩寒餘。正是佳蔬較勝初。雖有玉薯并玉芋。不如蘿菔滑如酥。唐人詩。澗藻碧於藍。唐人咏紅菰云。空山雨過正溫溫。松檜森森綠更勻。何事有菰凝血色。莫非枉字洒啼痕。周黨見閔仲叔。食無菜。遺之生蔬。仲叔曰。我欲省煩耳。今更作煩耶。卻而不受。嵇叔夜書。野人有欣曝背面。芹子者欲獻之。至尊雖有區區。

之意亦已疎矣。唐中宗冬月憶瓜，明崇儼索百錢。須臾以瓜獻，得之。緱氏老人圃中，帝召老人問之。對曰：「埋一瓜土中，偶得百錢耳。」帝嘆曰：「長者也。」唐薛令之為東宮侍讀，祿甚薄，作詩云：「朝日上團圓，照見先生盤。盤中何所有，苜蓿長欄杆。」苜蓿卽豌豆。張季鷹詳時令。郭有道，事文類聚云：「蜀山有芋，名曰蹲鴟。」註解為芋。有人認芋字曰：「羊謝餽羊肉，東云蒙惠蹲鴟，人知其誤也，無不笑之。」蹲音存。魯漆室邑之女，過時未適，人倚柱自歎曰：「魯君老，太子幼，隣婦曰：「此卿大夫之

憂也。女曰：「不然。昔有客馬逸踐園葵，使吾終歲不飽。葵吾聞河潤九里，漸濡三百步。魯國有患，君臣父子被其辱。婦女獨安所避？」蘇子瞻櫻筍詩云：「贈君木魚三百尾，中有鷺黃子。魚子蓋櫻筍，其狀如魚。剖之有如魚子，味如苦笋。」櫻音宗。陸機入洛，見張華，坐定。華問曰：「東吳有長柄葫蘆，卿帶種來否？」陸大悔恨。或云劉道拔薤，詳仕進。孫鍾富春人，堅父也，與母居至孝。種瓜為業。暑月間，以給行客。有三人來乞瓜。鍾設瓜及飯，徐謂鍾曰：「蒙君恩惠，乃示子葬地，可連世

封侯數世為天子後堅生權。權生亮。亮生休。史記
 四皓隱商山採芝而食。歌曰。漠漠高山深谷逶迤。擘
 擘紫芝可以療飢。李泌字長源在衡岳謁高僧懶
 殘禪師師發火中芋啖之曰勿多言領取十年宰相
 周末鮑焦不仕採蔬而食子貢曰棄其君處其土
 食其蔬何志行相違乎焦遂棄蔬而餓死。汪信民
 嘗言人咬得菜根斷則百事可做。黃山谷題畫菜
 云士大天不可不知此味不可使天下之民有此色

穀食

后稷教民稼穡。彼蒼貽我來甦。東作事方興。男子有耕。
 女人有饁。西成功既獲。甌窶滿篝。汗邪滿車。黍稷稻粱。
 悉蕃滋於甘霖之下。蝨賊螟螣盡乘昇於炎火之中。既
 方既阜。既堅既好。綠雲之盈。疇極。如茨如梁。如京如
 坻。白粲之滿。筋馨香。黎庶無阻。饑之憂。耄倪有含哺之
 樂。此論農事。再考書編。粟自天雨。下聖代治。隆米從地。
 湧來禪宗法妙。穎水春秔似亞父。碎席前之玉。吳山采
 豆。例鮫人出盤內之珠。邯鄲旅邸黃梁。仙人入夢。鍾阜

山○庄○赤○米○隱○士○加○餐○光○武○生○自○春○陵○藹○藹○乎○禾○生○九○穗○
 張○堪○守○於○魚○郡○芄○芄○然○麥○秀○兩○岐○稻○刈○瑯○琊○黃○鮮○可○愛○
 粟○陳○漢○廩○紅○腐○相○仍○曾○聞○黑○水○之○阿○木○禾○迭○出○又○見○揚○
 州○之○境○稽○稻○頻○生○米○五○斗○請○節○不○折○腰○粟○一○囊○侏○儒○飽○
 欲○死○小○兒○賊○禾○畝○孔○秀○之○按○罪○何○妨○逸○馬○犯○麥○田○曹○孟○
 德○自○刑○猶○爾○易○秣○以○穀○鄒○侯○為○民○庶○之○意○拳○拳○煮○豆○燃○
 箕○子○建○悟○兄○弟○之○情○切○切○秦○饑○乞○儲○粟○於○友○邦○晉○主○豈○
 堪○閉○糴○吳○歎○受○蒸○糧○於○讐○國○越○王○正○好○興○師○五○祖○荷○瓢○
 問○白○演○法○真○傳○長○孺○矯○詔○發○倉○救○荒○善○政○勿○謂○米○艱○炊○

玉○且○言○稻○熟○刈○金○莫○云○糧○少○唱○詩○只○道○飯○精○翻○雪○黍○熟○
 頭○低○麥○熟○頭○昂○惟○願○年○無○大○稜○賤○穀○價○增○貴○穀○價○減○且○
 忻○倉○有○常○平○

詩○經○思○文○后○稷○克○配○彼○天○貽○我○來○麩○來大麥詩○云○
 同○我○婦○子○饁○彼○南○畝○戰國策云淳于髡謂齊王曰
 臣○從○東○方○來○見○穰○田○耆○持○一○豚○蹄○祝○曰○甌○窶○滯○篝○汗○
 邪○滿○車○甌窶高田汗邪下田詩○經○小○雅○大○田○篇○既○方○既○阜○既○
 堅○既○好○不○狼○不○莠○去○其○螟○螽○及○其○蠹○賊○無○害○我○田○稗○
 田○祖○有○神○秉○畀○炎○火○食○心○曰○螟○食○葉○曰○螽○食○根○曰○

蝨食節曰賊。四者皆害苗之蟲。蝨音明 孚甲始生
 而未合曰方。孚甲方合而未堅曰阜。阜音亞 子苟切音走
 詩經小雅甫田篇。曾孫之稼如茨如梁。曾孫之庾
 如坻如京。乃求千斯倉。乃求萬斯箱。黍稷稻粱。農夫
 之慶。報以介福。萬壽無疆。未獲而在野者。密比穹
 隆。如茨如梁。已獲而在場者。如京如坻。京高丘坻水中高地
 白粲米之精鑿者。尚書舜典。帝曰。黎民阻饑。汝后
 稷播時百穀。阻厄也。后君也。 史記。唐堯之時。有父老童子
 含哺鼓腹。擊壤而歌於康衢。史記神農之世。天雨

粟三日。蒼頡製字。天雨粟。鬼夜哭。傳燈錄。六祖至
 曹溪。建道場。上人乏食。六祖以錫杖頓地。成孔。忽有
 米湧出。日可供數十人。韓詩云。頴水香秔。舂碎玉
 粳音。唐人詩。霜露滿吳山。豆莢出珍珠。異聞集
 盧生遇呂公於邯鄲邸中。自言貧困。呂公出一枕與
 之。曰。枕此當富貴。生枕之。夢出將入相。五十餘年。及
 寤。主人炊黃粱。猶未熟。生謝曰。先生以此窒吾之欲。
 周顛隱鍾山。或問所食。曰。赤米白鹽。綠葵紅莧。
 禾生九穗。詳君道篇。後漢張堪為漁陽守。吏民歌曰。桑無附

枝麥秀兩岐張君為政樂不可支。唐李百藥七歲時父與客讀徐陵文有刈瑯琊之稻歎不得事百藥曰春秋邠子藉稻杜預謂在瑯琊客大驚服。漢文紀太倉之粟陳陳相仍紅腐而不可食。穆天子傳云黑水之阿爰有野麥所云木禾蓋粟黍長五尋者。唐太宗時揚州生穰稻穰音呂禾不因陶靖節播種而自生。漢東方朔自以為祿薄乃給侏儒曰上以汝等無益欲盡殺之侏儒見帝曰東方朔言陛下欲殺臣等何故上召朔問之朔曰侏儒三尺長月俸一囊粟臣

九尺餘月俸亦一囊粟侏儒飽欲死臣饑欲死上稍親幸齊孔秀之為令案小兒偷稻曰十歲尚能為盜長大何所不為縣中為之蕭然。魏祖勅軍士無犯麥忽自乘之馬薦人麥中乃引咎曰何以律下遂自剪其髮。新序云鄒繆公令食鳧鴈以稅無以粟倉無稅求稅於民二石粟得一石公曰粟在倉與在民何異。魏主丕欲害子建令其七步成詩子建云煮豆燃豆其豆在釜中泣本是同根生相煎何太急。左傳晉饑乞糴於秦秦輸粟於晉自雍及絳相繼

不絕秦饑晉乃閉之糴。吳越春秋越句踐行成於
 吳既歸國志欲伐吳因吳饑餽之粟百萬斛皆蒸之
 次年種之不生吳大饑越人遂滅吳。傳燈錄五祖
 弘忍欲以衣鉢傳付六祖盧惠能因其舂米荷瓢而
 往問曰白中米熟未答曰未經篩。漢汲黯字長孺
 河內失火武帝使黯視之還報曰河內人或父子相
 食臣矯詔發廩賑之今謹伏其罪上賢而釋之。蘇
 秦人楚謂曰楚國薪貴於桂食貴於玉。唐人詩稻
 川黃金把。宋檀道濟與魏戰糧絕唱籌量沙得全

何而返。杜公詩嘗稻雪翻地。六朝王元景大醉
 春楊遵彥曰何大低昂元景曰黍熟頭低麥熟頭昂黍
 麥俱有所以低昂。問百穀不熟曰大稔。漢宣帝時
 穀賤則增價糴之以利農穀貴則減價糶之以利民
 名之曰常平倉。

故內進房綴玉蟬窠霜信中柳子炫
 仙荔貢海隅驛馬驄
 人如瓜湖上新

梅可和羹桃堪雪黍來禽乃文林之果盧橘占羅浮之
春龍眼者荔枝櫻桃者崖蜜千年碧藕還藏於玉井池
中萬歲冰桃試熟於闔風圃內架上葡萄繫繫馬乳枝
頭金橘顆顆蠟丸瓜出青門僉謂甘如玉液梨生大谷
爭言味勝瓊漿水紋內逆房綴玉蛹窠霜信中柿子炫
金亂卵橘收印北園棋對皓首之仙荔貢海隅驛馬驟
紅塵之使扶風蔗汁甘於蜜終南棗實大如瓜湖上新
秋水栗剝雞頭之肉江南盛夏楊梅摘鶴頂之珠瓜甜

果食

梅可和羹桃堪雪黍來禽乃文林之果盧橘占羅浮之
春龍眼者荔枝櫻桃者崖蜜千年碧藕還藏於玉井池
中萬歲冰桃試熟於闔風圃內架上葡萄繫繫馬乳枝
頭金橘顆顆蠟丸瓜出青門僉謂甘如玉液梨生大谷
爭言味勝瓊漿水紋內逆房綴玉蛹窠霜信中柿子炫
金亂卵橘收印北園棋對皓首之仙荔貢海隅驛馬驟
紅塵之使扶風蔗汁甘於蜜終南棗實大如瓜湖上新
秋水栗剝雞頭之肉江南盛夏楊梅摘鶴頂之珠瓜甜

階而或謂林公昔嘗醉建餅飲貴大世王亦景大類

蜂製即伴爵縣之以此蜂蠟貴眼滅階縣之以此蜂
麥則育以封限酒煉不慈日人喜人藥宜帝相
醫數卷曰何火油最元景日黍燕更以黍燕類最
階而或謂林公昔嘗醉建餅飲貴大世王亦景大類

而○夢○吉○食○皮○李○好○而○安○豐○鑽○核○濯○玲○瓏○素○藕○剖○比○于○孔
 竅○之○心○擘○爛○熉○紅○榴○嚼○莊○姜○瓠○犀○之○齒○棗○識○於○東○方○曼
 倩○四○十○九○枚○橘○題○於○韋○子○蘇○州○三○百○餘○顆○破○橙○而○霧○香
 噴○眼○嚼○袖○而○冰○冷○沽○唇○瓜○瓠○當○清○茶○孫○氏○祖○川○數○枚○得
 天○子○葡○萄○釀○佳○酒○孟○家○兒○以○一○斗○博○涼○州○荔○枝○最○美○入
 一○代○之○樂○章○秋○梨○至○廿○非○五○臟○之○刀○斧○紅○鹽○落○青○子○露
 液○同○甘○瑛○盤○薦○櫻○桃○月○明○一○色○胡○桃○來○異○域○遙○乘○張○博
 望○之○槎○萍○實○出○長○江○偶○逐○楚○莊○王○之○棹○諸○暨○栗○雅○堪○健
 足○綏○山○桃○更○可○延○齡○是○皆○果○品○之○奇○豈○是○書○編○之○妄○辭○

時○滿○筥○還○嘉○唐○賈○郁○之○性○廉○擲○處○盈○車○更○羨○晉○潘○安○之
 貌○美○

家○語○魯○哀○公○設○桃○具○黍○仲○尼○先○飯○黍○後○啖○桃○公○曰○黍
 者○非○飯○之○也○以○雪○桃○也○尼○曰○黍○五○穀○之○長○果○桃○為○下
 君○子○以○賤○雪○貴○不○以○貴○雪○賤○唐○王○方○言○為○曹○州○從
 事○得○林○檣○貢○於○高○宗○上○重○之○賜○階○文○林○郎○因○號○文○林
 果○林○檣○似○柰○而○小○以○其○味○甘○故○來○衆○禽○吹○詩○羅
 浮○山○下○四○時○春○盧○橘○楊○梅○次○第○新○廣○東○呼○枇○杷○為
 盧○橘○類○書○荔枝○過○卽○龍○眼○熟○故○謂○龍○眼○為○荔○枝○奴○

鬼谷曰崖蜜即櫻桃也。水桃碧藕 詳前神仙 玉井在華

山韓詩云泰華峯頭玉井蓮。開花十丈藕如船。冷比

雪霜甘比蜜。一片入口沉疴痊。杜公葡萄詩云滿

盤堆馬乳。盈架引龍鬚。又坡詩白露垂垂馬乳肥。

杜公咏金橘詩蠟丸沾雨潤金彈。帶霜寒。青門五

色瓜。秦東陵侯所種。詳前 澹菜 濟岳賦云張公大谷之

梨。杜詩云清秋梨可茹。滿口溢瓊漿。王琪蓮房詩

云蚕寒冰繭瘦。蜂老碧房空。玉蟬 蜂也 韓公咏柿詩云

炎雲燒樹火。實駢金鳥下。啄玉亂卵。此首 叩北橋 終南棗

俱詳前 神仙篇 唐楊貴妃愛食生荔枝。自海隅入貢。七日

七夜至京師。香味不少變。時有詩云一騎紅塵妃子

笑。無人知是荔枝來。格物志云扶風有蔗。一丈二

節。食之入口即消。唐人詩新菱旋剥雞頭肉。蘇

子瞻楊梅詩摘來鶴頂珠。猶濕拍破龍睛血。未乾

後周王熊字夢吉。性儉約。嘗與客食瓜。客削瓜侵肉。

稍厚。羅引手就地取而食之。客有愧色。晉王戎封

安豐侯。戎家有好李。每與人恐留。種種之。常必鑽裂

其核。韓咏藕詩一彎西子臂。七竅比干心。山谷

石榴詩云霧縠作房珠作骨。水晶爲醴玉爲漿。盈盈子列佳人齒。不羨閩中十八娘。十八娘荔枝也。漢武帝以盒藏棗。名東方朔射覆。謂曰來來叱叱。此盒中何物。朔曰棗四十九枚。來來棗也。叱叱七七字四十九也。帝乃大笑。韋蘇州惠人橘詩云書後欲題三百顆。洞庭須待滿林霜。顆苦果切。科上聲。唐人詩云嚼柚寒水流齒頰。破燈香霧噴眸睛。種瓜得地。詳見蔬菜。漢扶風孟佗以葡萄酒一斗遺張讓。卽拜涼州刺史。時語曰斗酒博涼州。又坡詩伯郎一斗博梁州。張讓桓帝時宦官。伯郎孟佗字。

楊貴妃牛口長生殿新曲未有名。會南海進荔枝。遂名之曰荔枝香。唐李建勳出鎮豫章。一口遊西山茅舍。有老叟教授村童。時有人獻梨。李連食數枚。賓僚曰梨爲五臟刀斧。不宜多食。叟笑曰五臟刀斧。乃離別之離。有若刀斧。非言梨也。坡詩紛紛青子落紅鹽。氣味森森苦且嚴。待得餘甘回齒頰。已輸崖蜜十分甜。後漢明帝宴羣臣。大官以赤瑛盤盛櫻桃。進月下視之。盤與櫻桃同色。羣臣皆笑。是空盤。胡桃本生西羌。張騫使還乃得種。張騫封博望侯。家語云

楚莊王渡江拾一物莫知其名使人問孔子孔子曰
 萍實也昔童謠云楚王渡江得萍實大如斗赤如日
 剖而食之甜如蜜地理志云諸暨產如拳之栗本
 草云食栗多健步列仙傳云葛由羌人嘗刻木作
 羊騎羊上綏山食桃升仙諺云得綏山一桃雖不得
 仙亦足以延壽賈郁遷仙遊令有邑客遺果一筐
 曰某家新果未有人知者郁曰古人畏四知今子兄
 知弟知子知足倍于古人竟辭不受潘岳美安儀
 每入市婦人皆連手投之以佳果得果滿車而歸

百花

梅魁春色菊殿晚芳瓊花數天下無雙玉簪擅江南第
 一茶藤韻友梔子禪友奇英自是清高月桂天香幽蘭
 國香凡卉焉能比例姚黃魏紫牡丹顏色得人憐雪魄
 冰姿茉莉芬芳隨我愛燕山五枝桂占斷秋香玉井十
 丈蓮洗清俗態夜露合歡歡底事春風含笑笑何人水
 仙露出水仙姿金鳳炫揚金鳳采瑞香噴吐瑞香味麗
 春粧點麗春枝芍藥開金帶之圍祥占顯秩苜蓿現瑤
 光之瑞慶協奇男石榴開九夏炎光絳囊上染許多猩

血木穉綻三秋烟景金粟中貯無限龍涎周茂叔酷愛
 濂波水上蓮陶淵明雅培粟里籬邊菊落梅點額壽陽
 公主試宮粧文杏薰眸裴度相公開別墅雪梅乍放月
 明魂夢美人來玉蕊齊開風動珮環仙子至菊英采采
 堪登甘谷壽圖柳絮飛飛可入謝娥詩句漁郎頻鼓柁
 尋武陵源裏之桃尼父試彈琴發泗水壇前之杏折梅
 逢驛使是誰寄取隴頭春攀桂問姮娥有客擬將蟾窟
 景秋風薦爽槐黃促舉子之裝暮雨生涼蓮白依遠公
 之社晴波初蕩漾蓮花似六郎六郎且似蓮花化口正

冲融如子如海棠海棠更如如子丁香雖則牽恨萱花
 恰好忘憂司馬公帽上不簪李太白筆頭有夢鼓催唐
 苑人事喚作天工綵剪隋園歲寒變成春色河陽春暖
 潘安仁一縣繁華綺陌風和黃四娘滿蹊艷冶千紅萬
 紫開時悉屬花神斗酒百篇賞處偏宜騷客
 古梅花詞不是花魁誰是花魁劉原父詩序揚州
 瓊花天下無雙歐陽公乃作無雙亭賞之云山谷
 玉簪花詩宴罷瑤池阿母家嫩瓊飛上紫雲車玉簪
 墜地無人檢化作江南第一花曾端品花中十友

桂仙友。蓮淨友。海棠名友。茶蘼韻友。梔子禪友。梅清友。菊佳友。瑞香殊友。蘭芳友。蠟梅奇友。家語孔子不遇于時。見谷中蘭獨茂。嘆曰。蘭為王者香。今乃與眾草伍。因作猗蘭操。亦名國香。開元時。牡丹尚姚黃。魏紫蓋謂姚崇家黃牡丹。魏相家紫牡丹皆極美麗。唐人茉莉詩云。冰姿素淡廣寒女。雪魄輕盈姑射仙。五代竇禹鈞五子俱登第。馮道侍郎贈詩云。燕山竇十郎。教子有義方。靈椿一株老。丹桂五枝芳。
玉井蓮 山谷水仙花詞 凌波仙子生羅襪 水上 詳果食

輕盈步明月。格物志云。金鳳花一名鳳仙花。羅隱瑞香花詩。冉冉瑞香花。清香渾是瑞。剪破麝臍囊。因風吹遠去。格物志云。麗春鶯粟別種。有紅白紫三種。江浙間最多。惟金陵更勝。後山叢話。廣陵芍藥。紅蓋而黃腰。號金帶圍。而無種。有時而出。則城中必有宰相。韓琦守廣陵。日一出四枝。是時王曾以高科為倅。王安石為屬。陳秀公又入其城。後四公皆為相。格物志云。菖蒲花。人不見。見者生貴子。昔梁太祖母張氏。見其花光采灼人。取吞之。遂生武帝。據

公咏石榴詩。猩憐冷淡。應分血麝。妬妖燒不與香。
 李紳咏木樨詞。此是木之犀。秋芳應簇簇。一粒粟中
 香。萬斛君看梢頭幾。金粟。又唐人詩。清芬一日來。天
 闕。世上龍涎不敢香。周濂溪作愛蓮說。其畧云。出
 淤泥而不染。濯清漣而不妖。中通外直。香遠益清。予
 謂牡丹花之富貴者也。菊花之隱逸者也。蓮花之君
 子者也。陶潛居栗里。宅邊多種菊。九日無酒。摘菊
 盈把。望見白衣人送酒至。乃王弘也。遂相與對酌。醉
 而歸。
梅花粧詳時令
 柳絮飛詳天文
 裴晉公從午橋庄營別墅

有文杏百株。號為碎錦坊。趙師雄遷羅浮。天寒日
 暮。于松林酒肆。傍見一美人。淡粧素服。師雄與語。芳
 香襲人。因與扣酒家共飲。忽醉寢。但覺風寒相襲。東
 方欲白。起視在梅花樹下。月落參橫。不勝惆悵。唐
 昌觀玉蕊花大開。有女子年十七八。從以二女婢。二
 小僕。姿容瀟灑。異香聞數十步外。貯立良久。命僕取
 花數枝而去。忽不見云。南陽甘谷中有大菊。其英
 落水中。水極甘。谷中人飲其水者。上壽百二。三中壽
 百餘。七八十則夭矣。晉武陵人捕魚至一溪。見兩

岸桃花盛開移棹而進見有居民迥與世隔漁人問其由來曰避秦之亂至此蓋不知天下有漢復有晉也世音莊子漁父篇孔子休坐乎杏壇之上弟子讀書孔子絃歌鼓琴晉陸凱寄范曄詩云折梅逢驛使寄與隴頭人江南無所有聊贈一枝春羅隱攀桂詩詳前婚姻篇古詞槐花黃舉子忙晉遠法師居廬山東林寺有白蓮花與陶潛十八人同修淨土名曰蓮社唐武后朝張昌宗以姿美得幸號六郎楊再思媚之曰人言六郎似蓮花正謂蓮花似六郎耳唐

楊妃外傳明皇嘗名太真妃妃被酒初起姿容閒雅帝笑謂曰此乃海棠花睡未足耳花譜丁香花百結號百結花唐人詩云丁香空結雨中愁博物志萱草號忘憂草又曰宜男草婦人有孕佩其花則生男故以之比母氏韓公云萱艸兒女花不忘壯士憂司馬公詳仕進李太白夢筆花五采爾是文學唐明皇詳時令大進至隋煬帝築西苑周二百里樓觀壯麗宮樹秋冬零落則剪綵為花使如陽春云晉潘岳字安仁為河陽令滿城種桃李花人謂河陽滿縣花又謂之

延陵掛劍柳當春獨媚恍如張緒之風流松到歲不凋
 更比和生之礪河高墳植梓乃生連理之枝古禁鳴槐
 却是聲音之木竇氏義方教好丹桂芬芳田家友愛情
 殷紫荆茂盛萊公之柏巴東父老爭隣名伯之棠南國
 黔黎勿剪松生腹上兆丁固之後昌柳發川中見滑生
 之悟道徙木立君王之信頓大霸圖班荆話故舊之情
 更全交道鉏麇觸庭槐而死老子攀園李而生古柳中
 是左伯桃棺榔空桑內乃阿衡氏胞胎榜櫟腫臃漆園
 吏雖口非良梧桐尾焦蔡中郎獨知其美珊瑚樹枝枝

是玉旃檀木節節皆香丈夫進學更駸駸勿效黃楊泥
 閨男子為人須卓卓必如老檜參天

淮南子云灰野之山有樹名若木曰
 子云碧海中樹長數千丈兩榦同根相依倚曰扶桑
 日出處韻府羣玉載花木錄云瀛洲有影木日中
 視之一葉百影花木錄云交趾有木一木而有四
 香花曰雞舌根曰旃檀節曰沉香膠曰薰陸廣異
 記陳玄奘將往西域于靈隱寺以手摩其松曰吾西
 去求佛教汝可西長及去松枝西向越十餘年其枝

忽轉東。弟子曰：吾師歸矣。果然。靈隱一花木錄云：蜀中太清觀有老檜枝，皆左紉，謂李老君之所植者。錄異記：黃帝殺蚩尤于黎丘之山，擲其械于宋山之上，化為楓林。斑竹詳前倫行李固言行：古柳下聞語曰：吾柳神九烈君也。今彈指染子衣，俾君綠袍矣。果及第。韻府羣玉：昔鮮于伯機得怪松一株，植于齋前，呼支離叟朝夕玩，以為適。五作宮三槐堂俱詳宮室莊子逍遙遊：楚之南有冥靈者，以五百歲為春，五百歲為秋。上古有大椿者，以八千歲為春，八千歲為秋。而彭

祖乃今，以久特聞，衆人匹之，不亦悲乎。杜甫古栢行云：孔明廟前有古栢，柯如青銅，根如石，霜皮溜雨，四十圍，黛色參天，三千尺。博物志：肅慎氏有樹名維常，若中國有聖人代立，則其樹生，皮可為衣。周武王成王時，曾遣使入貢。史記：成王剪桐葉為珪，與叔虞曰：吾封汝。周公請擇日，成王曰：吾特戲耳。周公曰：天子無戲言，遂封叔虞于唐。羊祜探鑲詳幼穎篇和嶠礪柯詳英史記：吳季札聘于諸侯，佩寶劍，過徐君，欲之，季札已心許矣，未獻也。及交聘，還，徐君已死，乃解劍

掛墓栢上而去。南史齊武帝得蜀栢植之靈和殿前玩之嗟嘆曰此栢風流可愛似張緒少年時韻府羣玉韓朋妻為康王所奪妻不從墜樓而死遺書于帶間曰吾與韓郎合葬康王怒令埋兩塚使之隔遠忽有梓木生二塚上枝交于上根連于下上有鴛鴦雙鳴人以為夫婦之魄云。唐尚書省禁中有古槐省中有入相者其木自鳴宛如笙竽之聲時號聲音木。丹桂詳百花紫荆詳倫行宋書寇準初令巴東手植雙栢于邑庭後去任民愛其栢不忍剪伐比之甘棠謂

之巴東萊公栢。名伯循行南國以布衣王之政或舍其棠之下民愛之不忍剪伐作詩曰蔽芾甘棠勿剪勿伐名伯所菱。漢丁固夢腹上生松解者曰松字十八公後十八年君必為三公矣果然。莊子支離叔與滑介叔觀于冥伯之丘俄而栢生左肘支離叔曰子惡之乎滑介叔曰生者假借也假之而生生者塵垢也死生為晝夜且吾與子觀化而化及我我又何惡焉。史記商鞅立秦法恐令不行置一木北門令曰能徙于南門者予千金一人徙之予千金由

是令大行吏民不敢犯。史記晉靈公不君趙宣子諫之公使鉏麇賊之宣子盛服將朝尚蚤坐而假寐。麇嘆曰賊民之主不忠棄君之命不信遂觸庭槐而死。老君母懷胎八十一年及產攀李樹而生因指李為姓云。班荆古柳俱詳倫行呂氏春秋伊尹之母居伊水之上孕夢有神告之曰白出水而東走無顧明日視白出水告其鄰東走顧其邑盡為水身因化為桑。有莘氏採桑得嬰兒空桑之中獻於君令乳之命曰伊尹。莊子惠子曰吾有大樹人謂之樗其大本臃

腫而不中繩墨其小枝卷曲而不中規矩立之塗匠者不顧。匠石之齊至乎曲轅見櫟社樹其大蔽半梁之百圍觀者如市匠伯不顧曰是不材之木也無所可用。樗音樞卷音權為詳樂具震菴語瓊枝片片是玉旃檀寸寸皆香書俗說黃楊木歲長一寸閏退一寸故坡詩云園中草木春無數只有黃楊厄閏年大慧禪師語錄云克和尚曰這老漢參黃楊木禪到縮去淋唐李紳詩土人高氣節老檜參青天

匪。能。法。傳。中。條。精。上。入。高。廉。滑。米。餅。寒。清。天。
 大。慧。斷。相。帶。纒。云。京。麻。尚。口。豈。米。藥。雜。黃。樹。木。斬。
 一。下。如。與。結。云。園。中。草。木。清。無。烟。只。許。黃。樹。風。開。平。
 長。正。能。斷。下。下。背。香。命。端。黃。樹。木。熾。火。之。中。開。張。
 河。河。用。斷。音。烈。振。中。樹。音。樂。具。而。故。語。雙。對。中。中。
 聚。之。百。個。贈。香。成。市。到。前。不。願。日。長。不。林。之。木。出。無。
 清。不。調。可。下。之。齊。注。平。山。神。具。對。振。樹。其。大。如。半。
 御。而。不。中。斷。愚。其。小。對。卷。而。不。中。與。單。立。之。盤。到。

羣草

屈。軟。指。佞。事。有。明。徵。莫。茨。紀。年。史。嘗。備。載。薺。之。先。出。可。
 現。年。豐。藕。之。預。生。即。占。歲。潦。七。年。艾。蓄。之。愈。疾。九。節。蒲。
 服。之。長。年。黃。精。最。能。延。壽。為。證。仙。班。震。檀。自。是。返。魂。不。
 登。鬼。錄。驕。陽。多。酷。烈。秘。書。省。內。偏。有。迎。涼。宿。酒。正。醅。醕。
 興。慶。池。邊。猶。堪。醒。醉。水。萍。聚。處。樊。千。里。用。作。鳴。茵。龍。芻。
 茂。時。周。穆。王。備。供。馬。料。蘭。柔。柔。儘。堪。紉。佩。芸。馥。馥。恰。好。
 藏。書。化。雨。淋。淋。清。入。鄭。園。之。蕙。春。風。藹。藹。秀。添。商。嶺。之。
 芝。周。茂。叔。庭。階。儘。多。生。意。鄭。康。成。齋。舍。不。盡。天。機。遠。水。

有蒹葭曾致詩人之咏。芳洲生杜若。更來漢使之求。孔
 稚珪之階下不除。有蛙鬧鳴。可當兩部鼓吹。裴晉公之
 坡前自茂。賴羊粧點。堪比一幅畫圖。靈運詩成。已入西
 堂之夢。江淹賦就。更聞南浦之歌。萋萋兮王孫不歸。嫫
 媧兮美人安在。寒威肅殺。明妃塚上。猶青。世治興隆。武
 帝殿前。獨赤。張仲蔚蒿生。滿徑。隱士家風。謝安石蘭茁
 一庭。貴人氣象。古廟前。映塔。常見重碧。陋室外。入簾。自
 有餘。青蘭香。猶臭。區以別矣。茶苦薺。其不亦異乎。蔦蘿
 施松栢。大例。小人輩之附榮。荃蕙化蓬茅。有如君子人。

之失節

黃帝之時。有草名屈軼。佞人入則屈。而指之。號曰指
 佞草。史記堯帝土階三尺。階下有草曰糞菘。朔後
 日。生一葉。望後日落。一葉。小月則一葉不落。東方
 朔謂武帝曰。歲欲豐。其草先生。薺是也。歲欲苦。苦草
 先生。葶藶是也。歲欲昂。昂草先生。蒺藜是也。歲欲潦。
 潦草先生。藕是也。歲欲病。病草先生。艾是也。神仙
 傳。韓終服九節蒲。身體遂輕。蛻為仙而去。博物志。
 太陽草。食之長生。即黃精也。博物志。聚窟洲有返

魂草曰震檀人死得其草置屍旁即活又名却死香
 唐書李輔國為秘書省策者開宗賜以迎涼草夏
 月懸其草于門涼風颯至襟懷涼爽開元遺事興
 慶池南岸草有醉人至其旁喚之立醒號醒醉草
 音毛陶異聞志浮光多美鴨太原少樊千里買
 百隻置後池載數車浮萍入池使為鴨作茵褥韻
 府羣玉周穆王東海養八駿之處其草名曰龍芻
 蘭佩詳時令列子居鄭圃多種蕙號蕙圃蓋一幹
 芸香詳文章一花者蘭一幹數花者蕙

商山四皓歌詳蔬菜

周茂叔庭

階多草令人勿剪曰此中含有許多生意

鄭康成詳師生

篇孔雅珪詳恬淡篇

詩經秦風云蒹葭蒼蒼白露為霜所謂

伊人在水一方

此懷人

唐語林貞觀中尚書省求

杜若敕下度支有省郎以謝眺詩云芳洲生杜若即

委坊州貢之本唐曹官判云坊州不出杜若良由讀

謝眺詩誤華省名郎作此判事豈不畏二十八宿笑

人耶太宗聞之改授雍州司法杜若香草也杜若生

二十五星韻府羣玉午橋庄小兒坡茂草盈里裴

晉公使羣白羊散其上曰芳草多情賴此粧點爾

南宋謝惠連善文。靈運嘗于永嘉西堂思詩不就。忽
 夢見弟惠連得池塘生春草之句。大以為工。六朝
 江淹別賦有云。春草碧色。春水綠波。送君南浦。傷如
 之何。楚辭云。芳草萋萋兮。王孫不歸。紀異錄項
 羽敗。虞姬死。其精魂化為草。號虞美人草。唐人詩云。
 攬涕悲歌飲帳中。漢王垓下決雌雄。樂催食盡三車
 散。玉碎花飛一劍空。無柰銷魂凝夜月。尚能應拍舞
 春風。至今葉上滴珠露。猶帶當時血淚紅。漢書明
 妃死于邊。邊地草白。王昭君塚上草。獨青號青塚。

漢書武帝元鼎初年有朱草。赤雁。廷臣為作朱草赤

雁之歌。張仲蔚詳宮室晉書謝安問諸子姪子弟亦何

預人事。而正欲使其佳。諸人莫對。玄答曰。譬如芝蘭

玉樹。欲使其生于庭階耳。杜甫孔明廟詩。映階碧

草自春色。隔葉黃鸝空好音。陋室銘云。苔痕上階

綠。草色入簾青。語云。薰蕕相紉。玉石俱陳。人未之

易辨也。詩云。誰謂荼苦。其甘如薺。茶蓼屬。韓渥

詩。喬木森森。翳蔦蘿。又詩。經云。蔦與女蘿。施于松柏

異。白居易藤蘿詩。先柔後為害。有似諛佞徒。楚

辭荃蕙化而為蓬茅。

長。根。也。信。云。精。晴。茶。苦。其。其。也。蕙。茶。草。韓。氏。
 綠。草。也。人。蕙。青。方。晴。云。蕙。蔭。臥。王。可。其。刺。入。未。之。
 單。自。春。也。國。業。黃。颯。空。依。音。國。室。論。云。若。真。比。謂。
 玉。林。烟。動。其。主。下。與。割。耳。下。坪。前。此。則。陳。荷。地。謂。等。
 許。人。專。而。五。始。動。其。其。謂。人。莫。機。文。若。日。營。成。芝。蘭。
 洲。之。烟。今。裝。宮。室。珠。管。書。機。文。問。謂。不。假。下。淨。心。何。
 戴。青。知。帝。不。鼎。師。平。自。未。草。亦。銀。或。因。燕。亦。未。草。亦。

蘭雪堂古事苑定本卷之十二



饒安 鄧志謨景南 編輯

戴 珉潔澄

西冷 戴 璵瀾石 參定

戴 琰師曾

飛禽

鵬。翮。摩。空。鳳。毛。炫。日。鴛。鴦。潭。不。狎。允。是。文。禽。鵬。鵠。最。能。
 言。雅。名。慧。鳥。金。鶯。音。韻。巧。鼓。吹。詩。腸。錦。雉。羽。毛。新。文。章。
 俗。眼。鴿。以。飛。奴。號。為。主。傳。書。雀。得。嘉。賓。稱。因。人。入。幙。高。

古事苑

飛禽

蘭雪堂

低○迥○別○野○鶴○獨○立○鷄○羣○小○犬○不○侔○越○鷄○豈○伏○鵠○卵○邦○家
 治○好○碧○鷄○儷○金○馬○為○神○世○代○興○隆○彩○鳳○引○玉○麟○為○瑞○鳥
 頭○未○白○曾○聞○淚○灑○秦○廷○鴈○翅○皆○朱○試○聽○歌○傳○漢○苑○二○弔
 客○容○儀○瀟○灑○鶴○翫○陶○林○兩○豎○童○言○語○支○離○維○奔○汧○水○木
 石○岡○功○精○衛○填○若○神○之○海○沙○珠○有○用○憑○霄○砌○虞○帝○之○墳
 甕○中○鵠○鶴○巧○於○人○江○上○白○鷗○閑○似○我○鴛○鴦○情○意○好○夢○寢
 韓○朋○杜○宇○血○痕○腥○聲○悲○望○帝○陸○先○生○死○鴨○猶○償○使○者○之
 良○金○管○道○士○生○鵠○可○換○右○軍○之○嘉○字○鴛○鴦○有○班○鸞○有○序○乃
 餘○朝○儀○鵠○報○吉○鴉○報○凶○更○諳○易○道○馬○偏○有○意○曾○從○漢○忠

臣○傳○物○玆○之○書○鶴○本○無○知○且○伏○魏○公○于○按○殺○鳩○之○罪○雙
 鳧○由○鳥○化○無○限○靈○通○獨○鶴○得○軒○乘○許○多○尊○重○灘○頭○鴻○鸚
 兆○唐○臣○入○相○之○徵○城○上○畢○逋○應○齊○國○遁○師○之○驗○鳴○鴈○幸
 從○中○澤○集○飛○鳥○願○借○上○林○棲○天○津○橋○畔○杜○鵲○啼○邵○先○生
 遺○言○憂○世○西○城○國○中○鸚○鵡○至○禰○處○士○作○賦○娛○賓○足○足○懷
 仁○自○是○超○凡○之○種○鸚○鵡○比○翼○寧○非○類○聚○之○羣○左○傳○有○明
 言○抑○暴○除○強○却○比○鷹○驅○鳥○雀○南○華○多○譬○語○貪○榮○固○寵○即
 如○鳴○嚇○鷄○雛

杜○贈○汝○陽○王○特○進○詩○霜○蹄○千○里○駿○風○翻○九○霄○鵬○格

物志鴛鴦水鳥似鳧雌雄未嘗相離常並遊而不相
 狎故謂文禽說文云鸚鵡能言之鳥慧鳥也金
 鶯一名倉庚一名黃鸝戴顓事李白咏雉詩錦衣
 綺翼何裊裊開元遺事張九齡家蓄一鴝能傳書
 至親友家時謂飛奴崔豹古今注云雀一名佳宿
 言栖宿人家如賓客也晉王祥行孝有雀入于其
 換晉書嵇紹傳紹昂昂如野鶴之在鷄羣言其
 莊子越鷄不能伏鵠卵魯鷄固能之矣越鷄小漢
 書方士云益州有金馬碧鷄之神可祀而致也宣帝

使王褒往祀焉帝王世紀黃帝之時鳳巢阿閣麟
 遊郊藪鳥頭詳人事馬翅詳列異記秦穆公時
 陳倉人掘地得物若羊非羊似猪非猪率以獻於公
 道逢二童子童曰此媼媼也媼媼曰此二童名陳寶
 得雄者王得雌者霸陳倉人舍媼媼逐童子化為雉
 入平林穆公獵之果得雌化為石置之汧渭之間至
 文公為立陳寶祠述異記炎帝女溺死東海中魂
 化為精衛鳥常取西山木石以填東海拾遺記舜
 莖蒼梧之野有鳥如丹雀吐五色之氣氛氳如雲謂

之憑霄啣青沙珠砌成丘壘。曰珠丘。晉書桓豁家
 養有鴈鵠善效人言。有一壘鼻人學之不似。遂以頭
 納壘中而語。遂大相似。鴈音渠鵠音育即八哥明韓
 詳衆木右。寰宇記昔蜀國之君名望帝者讓其國
 於相。驚靈後怨悔而死。化為杜宇。悲鳴口中噴血。乃
 止。互詳後唐陸龜蒙有闢鴨。一使者彈而斃之。陸
 曰。此鴨能言。將欲附蘇州上獻。奈何斃之。使者恐償
 以金。問所語。陸曰。能自呼名。使者憤而去。陸召而還
 其金。曰。吾特戲耳。鴛鴦皆水鳥。所止有班。所立有

序。如列朝儀。然故朝儀曰。鴛鴦。事文類聚。昔時有
 聞鵲聲者。則喜以為報吉。聞鴉聲則唾而逐之。此雖
 俗事。然亦屢有驗者。漢書蘇武使邊。羈身邊外。漢
 昭帝遣使通和。武思歸。乃夜見漢使。教使者言天子
 于上林射得雁。雁足有蘇武繫書。知武在某澤中。牧
 羝。使者如其言。以對。乃遣還武。留邊外十九年。始以
 羝壯。出及還。鬚髮盡白。羝音低魏公子無忌。方食有
 鳩。被鷓逐。飛入案下。鷓攫而殺之。無忌令捕鷓二百
 餘頭。乃按劍至籠上。問曰。誰獲罪無忌者。耶。一鷓獨

垂首伏翅。無忌殺之餘。悉放去。由是聲名大振。左
 傳衛懿公好鶴。鶴有乘軒者。及狄人伐衛。授甲者皆
 曰。使鶴。鶴實有祿位。余焉能與戰。因敗績。衛滅。雙
 詳神仙瀛。左傳。晉侯伐齊。齊師夜遁。師曠告晉侯。
 曰。烏烏之聲。樂齊師。其遁。鳥空營故也。周室亂。
 其民離散。宣王能安輯之。流民喜。因作詩曰。鴻鴈于
 飛。集于中澤。之子于垣。百堵皆作。雖則劬勞。其究安
 宅。小雅唐太宗召見李義甫。令詠鳥。云。日裡揚朝
 采。琴中聞夜啼。上林多少樹。不借一枝棲。帝曰。吾將

以全樹借棲。豈惟一枝哉。竟以義甫秉政。宋邵康
 節行洛陽天津橋。聞杜鵑。愀然曰。北方無此物。不及
 十年。其有南人。以文字亂天下者。平。或問其故。康節
 曰。天下將治。地氣自北而南。將亂。自南而北。今南方
 之氣至矣。禽飛類得氣之先者也。後果至。王安石
 亂法。三國時。黃祖會客。有獻鸚鵡者。祖謂禰衡曰。
 願先生賦之。以娛席賓。禰因爲賦。筆不停輟。文不加
 點。文選。足足懷仁。般般抱義。足足鳳也。般般麟也。
 爾雅。江東比翼鳥。名之曰鶉鶉。鶉音左傳。子產

古事苑 飛禽 五 蘭雪堂

始為政對然明日視民如子見不仁者誅之如鷹鷂
 之逐鳥雀又季文子逐莒僕日見有禮於君者事之
 如孝子之養父母也見無禮於君者誅之如鷹鷂之
 逐鳥雀也莊子秋水篇惠子相梁莊子往見之惠
 子恐代其相逐之莊子曰南方有鳥其名鷦鷯發於
 南海而飛於北海非梧桐不止非練實不食非醴泉
 不飲於是鷦鷯得腐鼠鷦鷯過之仰而視之曰嚇今子
 欲以子之梁國而嚇我耶鷦音窵
鷦音鉏

飛禽

鸞麗羽毛金衣公子鷓揚文采錦帶功曹六翮冲天鶴
 是仙人之騏驎九苞炫日鳳誠王國之羽儀鸞雪客孔
 雀南客稱謂頗佳鳥孝禽鸚鵡慧禽性真迥絕轉喉不
 吃秦吉了偏能自言安分無求信天翁何曾餓死春風
 依舊燕棲王謝之堂世運更新雉離商王之鼎鴨去鷄
 隊氣類不侔鶻入鴉羣雄威豈敵歲有變爰居避海上
 之風夜未央側挂求庭前之且容鷄來而年穀熟畢方
 去而火災除夢中之鸞鷹文人華國戶外之鷄鳩

縞素孝子鳴時鳳凰止阿房宮中慕容乃至青鳥集長
生殿上王母將來石向地中圓飛鵲化封侯之印鉤從
懷裏出鳴鳩幻昌後之金燕卵甫吞運鍾聖佐雉雛不
捕政美循良孤鳳擅鮑當之詩名單鳧入道疆之琴操
吳王鼓內曾聞兩鷺傳聲漢主鏡中恰見孤鸞舞影黑
鵬貢於漢室治上隆平白雉獻自周京運占汾穆鷓鴣
能日每逢戊巳不為巢鴻鴈更知時每遇春秋偏應
節羣鳥啣畫鼓乃招鳥縣郎官綵燕繫紅絲更肇燕門
節婦歷觀紀載不盡編摩金籠放鵲祝長生尚憶輩太

卿之細事畫戟集鳥占貴爵更嘉柳節度之奇聞

開元遺事明皇遊苑中見黃鸝羽毛鮮潔因呼為金

衣公子初學記錦帶功曹詩所謂叩有音鵲也鵲

本鳥名而紋以綬俗謂之吐綬鳥亦謂之錦帶功曹

逆鵲音北齊史云鶴有六翮飛則冲天麋有四足走

則入澤浮丘相鶴經云鶴仙人之騏驥羽族之宗長

山海經丹穴之山有鳥狀如鶴五色而文曰九苞

鳳此王國羽儀也見則天下文明論摘表聖云鳳

有六象九苞六象頭象天目象日背象月翼象風足

象地尾象緯九苞口包命心合度耳聰達舌屈伸色
 彩光冠矩州距銳鈎音激揚腹文戶飛鳴日郎都行
 鳴日歸嬉止鳴日提扶夜鳴日善哉晨鳴日賀世當
 作采朱色也戶趙宋李昉蓄五禽鷺日雪客白鷗
 所由出入也日閑客孔雀日南客鶴日仙客鸚鵡日隴客藝文
 志云慈鳥反哺孝禽也鸚鵡能言慧禽也嶺表異
 錄秦吉了出容管廉白州大約似鸚鵡腦有黃肉冠
 南人亦謂之慧鳥即結信天翁鳥名滇中多有之
 其鳥食魚不能捕魚魚鷹所得偶墮者拾食之蘭廷

瑞詩云荷錢荇帶綠江空。嗟鯉含鯨淺草中。波上魚
 鷹貪未飽何曾餓死信天翁。劉禹錫烏衣巷詩云
 舊時王謝堂前燕飛入尋常百姓家。王導東晉顯宗
 時燕烈宗時為太保此詩感言王謝盛
 時燕淒其堂王謝既廢則流落百姓家尚書大傳
 高宗祭成湯有飛雉升鼎耳而雉祖乙曰雉鷄鳥也
 今升於鼎遠方將有來朝者乎雌音列子鷄伏鴨
 雛及長鴨浮水而去鷄從岸呼之鴨不顧氣類不同
 也。北齊王思孝以騎射事文宣文宣日爾擊賊如
 鶻八鴉羣。爰居詳天文
 容鷄詳時令博物志側挂鴟鳥也。又

名益旦。詩云：相彼益旦。夜鳴求旦。山海經：章義之山有鳥如鶴，一足赤文，名曰畢方。見則有火災。柳子厚有驅畢方文。唐書：張鷟生，其母夢鷟鷟五采，因名鷟。鷟長為學士，擅文辭，號青錢學士。鷟音岳，鷟音湜，鳳屬神鳥。

也。周錢學士互詳文職。後漢書：鄭弘為臨淮守，郡人涂憲居喪，白鳩巢戶，弘舉為孝廉，朝廷旌賞之。謂之白鳩郎。晉符堅時，長安謠曰：鳳鳳鳳，鳳止阿房堅。植梧竹待之時，慕容冲小字鳳凰，至是攻陷堅城，止於阿房宮。漢武故事：時七月七日有青鳥集長生。

殿前東方朔曰：青鳥王母使也。王母其降乎？果然。搜神記：張顥為梁相，有身如山，鵲飛翔，市人擲之墮地，化為圓石，顥椎破之，得金印，文曰：忠孝侯印。鵲鳩

詳珍寶雜 史記：簡狄祠于高禘，有玄鳥遺卵，簡狄吞之，遂生契。唐鮑當為河南府法曹，知府薛映輕之，當賦孤鴈詩云：天寒稻梁少，萬里孤難進，不惜充君廚，為帶遼城信。薛大嗟賞，因號為鮑孤鴈。樂府錄：漢道疆善琴，因喪妻為寡鵠，單鳧之操，辭甚悽惋。古今樂錄：吳王夫差南門有大鼓，擊之聲甚宏。

日從之于建康之官。有雙鷺從鼓中出。飛入雲中。或云鷺者鼓之精也。異苑。尉賓國王獲一鷺。進漢武帝。懸鏡以照之。鸞觀影乃悲鳴而舞。漢史。南越王獻高帝異鳥。白鷓。二黑鷓。二。莊子。鳥莫智於鷓鴣。鷓鴣。燕也。作巢避戊巳之日。管子。鴻鴈春北而秋南。不失其時。又禮記云。大夫執鴈。取其候時而行也。東陽顏烏。稱純孝。居喪有羣鳥。啣鼓集顏所居之村。烏口皆傷。朝廷以為顏純孝。即於鼓處立縣。名曰烏傷。王莽改為烏孝。異苑。魏玉京年十六。夫死。孀

居戶有燕巢。常雙飛。忽一日傾散。姚感其偏棲。乃以縷繫其足。燕去。次年復來。猶帶前縷。因為詩曰。昔年無偶去。今春又獨歸。主人情意重。不忍更雙飛。後王京死。燕至于墳上。悲鳴亦死。朝廷表為燕門節婦。倦遊錄。王荆公為相。壽日光祿卿鞏申。以金籠籠鴿。詣丞相府放生。每放一鴿。祝曰。願相公一百二十歲。東坡詩。記得金籠放雪衣。唐書。柳仲郢自拜諫議。每遷官。羣鳥大集于昇平里第。庭樹戟架皆滿。五日方散。及除天平節度使。鳥不復集。後卒于鎮。

之殺氣○稜稜○楊漢中尉之直節○皂鵬之雄風○凜凜壯唐
御史之威聲○野老溪邊鷗不驚○丈人屋上烏偏好○鷓鴣
九霄外○頓空諸鳥之羣○百舌五更頭○學盡衆禽之語○雄
飛天外○例大丈夫出衆之施○為鵲起城隅○比士君子知
幾之明哲○丈夫還自奮○尚必如鵬有南圖○君子更加修
母徒效臯○惟東徙
格物志云○鶴五百年胎生○故謂鶴曰胎禽○談苑唐
柳公權出遊○見素頸烏鴉○或問曰○此何名○曰○玉環使
者○開元遺事○明皇養有白鸚鵡○毛色鮮潔○上呼之

為雪衣娘○左傳少皞鳥師而鳥名爽鳩氏司寇者
也○註云○鷹也○故為司寇○以至盜賊○春秋繁露○凡贊
大夫用鴈○鴈有行列○先後○故以為贊○莊子○鷓鴣巢
林○不過一枝○鼯鼠飲河○不過滿腹○鷓鴣小鳥○一名桃
尾○古詩○杜宇曾為蜀帝王○化魂飛去舊城荒○年年
來○叫桃花○月似向東風○訴國亾○脫袴鳥名○朱元晦
詩云○脫袴脫袴○桑葉陰陰○墻下露○回頭忽憶舍中妻
去年已逐他人去○舊袴脫了却○不辭新袴知教阿誰
做○提壺鳥名○朱元晦詩云○提壺蘆沽美酒○春風浩

蕩吹花柳不用沙頭雙玉瓶。鳥歌蝶舞為君壽。祇今一醉是君恩。昨日之愁愁殺人。蓄眉鳥名眉如畫。昔張敞為婦畫眉。故以為喻。白頭鳥名頭白如雪。昔顏回二十而髮早白。故以為喻。臺上呼鷹。詳宮前。世說僧支道林養鶴。鍛其羽翮。置籠中。天風忽起。鶴有軒翥意。道林曰。既有凌霄之志。何肯為人作耳目近玩。養令翮成。遂放飛去。漢書宣帝朝鳳凰。五集長樂宮。遂吟元曰五鳳。史記陳勝有大志。輟耕隴上。嘆曰。他日富貴。毋忘此時。聞者笑之。勝叱曰。

汝燕雀豈知鴻鵠之志哉。莊子冥海有鵬。搏扶搖羊角而上者九萬里。絕雲氣。負青天。然後圖南。且適南冥也。斥鴳笑之曰。我騰躍而上。不過數仞而下。翱翔蓬蒿間。此亦飛之至也。而彼且奚適也。學音後漢書。鄧都為中尉。氣節耿直。不畏疆禦。時人畏之。因目之為蒼鷹。言其除奸去佞如蒼鷹之逐鳥雀也。列子海上翁有與鷗相狎者。鷗亦不知驚。翁一日思欲執之。鷗飛舞不下。時人語曰。海翁忘機。鷗乃不飛。海翁易慮。鷗乃飛去。杜公詩云。丈人屋上烏。屋好

鳥亦好言愛屋及鳥意。鵲雛鳳屬杜公詩云鵲雛
 時高翔頓空百鳥羣。顧况詩一家千里外百舌五
 更頭又張芸叟百舌詩云學盡衆禽語不如自己聲
 深山喬木裡絨口過平生。後漢書趙溫爲京兆郡
 丞嘆曰大丈夫當雄飛焉能雌伏遂棄官去。莊子
 鵲上高城隅而巢高枝之巔城壞巢折凌風而起故
 君子之居世也得時則蟻行失時則鵲起。說苑臬
 與鳩遇曰我將東徙西方皆惡我聲鳩曰爾改鳴則
 可不然東方之人亦惡子也。

走獸

獅名白澤虎曰於菟鹿號伊尼猿稱狻猊橐駝諸水豚
 性頗知微負屭載碑文力堪任重佛佛咲唇掩眸率性
 自然猩猩醉足躡屐從心所欲從從之尾雅堪却退煙
 嵐蚤蚤之皮更可辟除厲瘴歸終具知來之哲恰符賢
 聖真聰聵眊負好殺之心似得乾坤厲氣獬豸見邪而
 獨觸自秉剛方果然被獲而羣啼肯同患難考詩篇駟
 虞實爲仁獸稽祭義明眊却是禮牲龍馬負圖伏羲中
 天地而稱聖帝麒麟繫紱孔子當春秋而作素王象能

代虞舜歷山之耕馬可識齊桓孤竹之道殊方有貢白
 狼呈周室之祥邊鄙無征黑兔葦趙王之命狸變豹豹
 變虎煥若成文豺祭獸獾祭魚誠乎報本跋歷藉駟驢
 之力流離之際肯周旋妖狐假猛虎之威倉卒之間行
 詐術昭宗之弄猴敏捷魯奮力以擊篡臣明皇之舞象
 蹠躃豈低頭以拜逆賊夏鯨為熊羞見子本性尚存牛
 哀化虎忍食兄良心盡喪還憶狐升御座乃逢國運之
 更却思虎渡弘河爭頌政聲之美狙生而伐巧即同炫
 才之子逞技人前豹死則留皮更比秉節之夫揚名身

後

說文獅子虺也一名白澤又名狡狴狡狴音令尹
 子文初生棄于夢澤虎乳之楚人謂乳為穀謂虎為
 於菟因命之曰闕穀於菟穀音穀菟音徒山谷詩照灘行
 郭索焚野得伊尼郭索蟹也伊尼鹿也爾雅猿猴屬大曰猿
 小曰猴又名為猿猿音廷博物志燉煌西渡
 流沙八千里中無水然地有伏流人不知橐駝知水
 脉過其處以足踏地人掘之得水博物志龍有九
 種一名金猊性好烟火今香爐蓋上獸是一名鳳屬

好負重。今石碑座下獸。一名嗥眈。好殺。今刀柄上龍吞頭。是一名蒲牢。好鳴。今鐘鈕上。是一名狻猊。好訟。今獄門首畫者。是一名螭虎。好文彩。今碑兩傍獸。是一名嘲風。好險。今殿角走獸。像是一名霸下。好坐。今佛座下獸。是一名囚牛。好音。今胡琴頭上獸。是音陛屬。狒狒。獸名。人面長唇。見人則笑。笑則上唇掩目。輒為人所獲。廢狒音猩猩。熊類。好酒。又好着屐。捕之者。置酒與屐于其處。猩猩飲酒而醉。遂着屐。輒為人所擒。從從狀如犬。六足。尾長丈餘。自呼其名。取

其尾可禦嵐氣。從音崇 嵐音盧蝥。蝥音。東坡集。歸終。知來。猩猩。知往。歸終神異錄。獬豸。神羊也。一角。性忠直。見人闕則觸。不直一名任法獸。今御史法冠曰獬豸者。本此。博物志。果然。猿屬。黑頭有髯。劍南人取一果。然而數十。果然皆至。蓋果然不忍傷其類。聚族而羣。啼雖死。不去。此獸狀而仁心。薄俗有不如者。騶虞。白虎。黑文。不食生蟲。不踐生草。詩國風。彼茁者葭。一發五豝。于嗟乎騶虞。言文王之仁如此。祭義。祀宗廟之鬼曰明眎。眎同

通鑑伏羲之時龍馬負圖出于洛水間帝始畫八卦拾遺記孔子生之先有麟吐玉書于闕里云水精之子系襄周而素王微在以繡紱繫麟角孔子乃生及孔子將終抱麟解紱而泣帝王世紀舜耕于歷山之時有象常為之代耕韓子齊桓公伐孤竹三年乃克既歸迷道管仲曰老馬之智可使也遂令老馬前行士卒隨之遂得道史記周宣王時外國貢白狼文選云宣王得白狼而戎狄賓晉書載記石勒時任平令師權獲黑兔或以為勤革命之祥於

晉以水承金兔陰精之獸黑為水色于是改年太和揚子狸變而豹豹變而虎月令季秋之月豺祭獸戮禽孟春之月獺祭魚入淵蓋豺以獸祭獺以魚祭見報本意廣志蛩蛩駞驢北方二獸又有獸名蜃不能行得耳草必遺二獸啗之二獸見人來負墜以走蓋蜃常假足于二獸也韓愈寄孟郊詩云願得始終如駟蚩蜃音夾駞渠上聲驢音虛楚宣王謂羣臣曰北方之民畏昭奚恤何也江乙對曰虎得狐欲食之狐曰子無食我天帝令我長百獸子如不信我為子先行

子後隨百獸能無走乎。虎隨狐而行，獸皆走。虎不知獸之畏已，反以為畏狐也。今北方非畏昭奚恤，實畏王之甲兵耳。唐昭宗有一弄猴，能隨班起居。昭宗賜以緋朱溫篡位，此猴望見朱溫，跳躍奮擊，隨見殺。明皇所教舞象，每作樂必拜舞。祿山反，大宴軍卒，驅諸象拜舞，象努目不拜，盡見殺。事文類聚：堯姪，絲於羽淵山，其神化為黃熊，及見再羞而去。國語作熊也。淮南子：牛哀病七日化而為虎，其兄啓戶而入，慄而殺之。方其為虎，不知其嘗為人，也。方其為人，

不知其且為虎也。宋書：徽宗朝有狐升御座而坐。後漢書：劉翬為弘農太守，有異政，虎皆負子渡河。帝聞，詔問之，翬曰：「偶然耳。」帝曰：「此長者之言也。」莊子：吳王浮于江，登于狙之山，衆狙見之，皆走。有一狙攫搔示巧于王，王射之，敏捷搏矢，王命左右齊射之，狙乃死。王曰：「狙之伐巧，恃其技以傲余，以至此極也。」五代王彥章乃朱溫之將，被唐軍擒獲，唐主欲降之，彥章曰：「豹死留皮，人死留名，竟不屈。」

幻為猛虎。何等殺心。阿紫化作妖狐。不勝媚態。楚國亾
 猿而焚木。事涉牽連。鄭人獲鹿。而覆苴。夢生擾攘。文宗
 之犀。辟暑明帝之鳥。辟寒俱可。並珍蜀地之犬。吠日吳
 邦之牛。喘月是何異性。狐出林。猜疑不決。貉卧地。鼯睡
 未醒。猿獻玉環。孫恪自峽山失婦。鹿隨丹轂。鄭弘從漢
 室封公。士暢雄威。華郢之老。巖當道。民歌善政。支江之
 白虎。隨喪鹿。向姑蘇臺。上游吳。無明主。虎從楊子江中
 渡。漢有循良。猛虎殺人。良令之市。言鞠罪。逸熊驚王賢
 妃之挺立。當鋒犀。然於牛渚。磯頭照殘水。怪象戰於昆

陽城下。滾起邊塵。兔死而田。父釋耕。猿奔而山人。出仕
 角端。應惡殺。已知元世祖之休兵。獅子固為祥。更見唐
 中宗之罷貢。
 謝眺詩。雖無立豹姿。且隱南山霧。蓋豹隱霧中。毛乃
 潤澤而成文也。黃魯直麟贊云。麟有趾而不踧。仁
 哉麟哉。有定而不抵。仁哉麟哉。有角而不觸。仁哉麟
 哉。今之人。一朝之忿。而觸人。嗚呼。人中有獸。獸中有
 人。北齊文宣王謂薛孤延曰。卿朕之牙爪。可謂虎
 將。史記漢李廣猿臂善射。吳太史慈亦然。崔豹

古今注。兔唇有缺。唐方于唇缺。人號曰兔唇先生。○
 事文類聚。獍獸食父。梟鳥食母。黃帝曾惡而殺之。故○
 古之祀黃帝者。必用梟獍。蓋欲除其類也。○獍音孟
 孫獵得麀。使秦西巴持之。歸其母。隨之而悲。鳴西巴○
 放之。孟孫怒。逐之。居三月。復召以爲子。傅曰。夫不忍○
 于麀。又且忍于吾子乎。○兔窟詳人事。述異記。老
 子之母。夢仙鹿觸懷。既而有孕。乃生老子。○因牛螭。虎俱詳
 前篇。陳無已。巖說其畧云。晉人以五犬逐一羆。羆敗○
 犬殺之。夫羆而受制于犬。遇非其敵。困于羣也。詩曰

憂心悄悄。慍于羣小。此之謂矣。○唐楊思元爲吏部
 選舉不公。爲夏侯彪所訟。御史郎餘慶奏免。許敬宗○
 曰。固知楊吏部之敗也。一彪一狼共着一羊。焉得不○
 敗。○唐玄宗時。李林甫。張九齡。裴耀卿。俱爲相。裴張
 畏慎。林甫獨軒舉。無少讓。觀者竊謂一鵬夾兩兔云。○
 漢史。燕布反。高祖欲使太子將往擊之。四皓謂建○
 成侯曰。今使太子將兵。無異使羊將狼。○漢史封邵
 爲宣城郡守。害民。忽化爲虎。郡人相語曰。毋作封使○
 君。生不活民。反食民。○述異記。狐者古淫婦。其名紫

紫化而為狐故自稱阿紫。古語城門失火殃及池。魚楚國凶猿禍延林木。列子鄭人薪于野獲苑鹿。藏之隍中覆以蕉俄而忘其處以為夢道詠其事。有聞之者取之歸鄭人是夜夢與人爭鹿以為非夢。訟于有司有司曰夢而非夢今據所有中分之或謂曰有司今夜又夢與人分鹿矣。唐文宗延學士於內庭李訓講易時方盛暑上命取辟暑犀以賜。魏明帝朝昆明國獻一鳥名噉金鳥常吐金屑如粟宮人以之飾釵釧謂之辟寒金自相嘲曰不戴辟寒金。

那得聖人心。風俗通吳牛苦於日故望月而喘也。說滿奮畏風在晉武坐北牕作琉璃扇屏風實密似疎奮有難色帝笑之奮曰臣猶吳牛見月而喘之疑月也。狐性多疑故今人不決于事曰狐疑。墨客揮犀貉似狐行數十步輒睡遇物警之乃起既行復睡。故人之善睡者比貉睡。醒平。異苑錄孫恪娶袁氏女過瑞州欲遊峽山寺既至獻碧玉環于僧齋罷野猿數十來迎婦嘯一聲化為猿而去僧悟曰此玉環吾曩時繫于猿頸者今不見二十年矣。漢鄭弘為

臨○准○守○行○春○兩○鹿○夾○轂○隨○而○行○主簿黃圖賀曰三公
 車○畫○雙○鹿○明○府○當○為○相○矣○果○為○太○尉○北史齊神武
 遣韓軌夜襲華州王羆羆不覺及曉聞閣外匈匈聲
 羆○急○起○袒○身○露○髻○持○白○挺○叱○曰○老○羆○當○道○卧○糴○子○那
 得○過○敵○見○之○驚○退○陳留耆舊傳王業守荊州有德
 政○卒○于○支○江○有○二○白○虎○宿○衛○喪○側○送○出○境○乃○去○史
 記吳王不道伍員諫曰臣會見麋鹿遊姑蘇之臺矣
 後漢書宋均守九江有德政虎東渡汪郡中之虎
 忠○遂○息○後漢童恢為不其令有虎殺人捕得二虎

至○問○曰○殺○人○者○抵○罪○未○殺○人○者○吾○放○之○一○虎○低○頭○一
 虎○悲○號○恢○乃○殺○其○低○頭○者○漢元帝幸上林熊逸出
 馮○昭○儀○乃○當○熊○而○立○及○熊○格○上○問○昭○儀○何○敢○乃○爾○對
 曰○猛○獸○得○人○而○止○誠○恐○熊○驚○御○座○故○當○之○上○甚○加○愛
 惜○晉書溫嶠過牛渚磯傳言水中多怪乃燃犀照
 之○見○水○族○奇○怪○或○乘○車○馬○是○夜○夢○人○謂○曰○幽○明○之○道
 自○古○有○之○君○何○偏○之○太○甚○後漢書世祖與王莽戰
 于○昆○陽○莽○出○象○陣○以○戰○世○祖○敗○之○韓子宋人有耕
 者○田○畔○有○株○兔○走○觸○之○折○頸○而○死○乃○釋○耕○守○于○株○下

冀復有所得其愚甚矣。張衡傳守株而伺兔。晉李充常歎不被遇。殷浩知其家貧問君能屈志百里否。李答曰北門之歎久已上聞窮猿奔林豈暇擇木。遂授剡縣。元世祖南征見有獸能言語耶律楚材曰此角端也性好生惡殺天其使陛下休兵乎。乃班師北還。用音唐書中宗朝大石國獻獅子姚壽誠遂止其獻。

畜產

鵝云鵞鵞。鷄曰朱朱。羊得平長髯主簿之美稱。豕擅平鳥象將軍之佳號。馬中數駿晨鳥紫燕龍驤犬內標奇。宋借韓盧楚獮郭柳及丁櫟牛魯稱自古之良蒙貴與。烏圓猶可紀當年之勝。宋處宗之鷄談道士人聽處可嘉。陸象先之鴨呼名使者。繁時堪惜烟嵐數萬里白馬。從西域馱經道路幾千程。黃犬自東吳遞札澗中浪靜。馬垂秦主之韁海上霜嚴。羊伴子卿之節鄭詞人灞橋。驢子雅可尋詩管道士山陰。鵝羣儘堪換字轅門傳號。

今李將軍推饗士之牛邑上起謳歌時令尹留去官之
 犢千斤特寧非異畜一丈鳥便是名驕馬躍檀溪澗上
 波保全真主鷄唱函谷關中月收脫豪君紫叱撥鮑生
 更可換名姝黑牡丹劉氏儘堪克異卉奔馳有餘力大
 還稱楊氏青骹衝突逞全能馬尚數曹家白鶴第念羊
 斟以私敗三軍無不咨嗟更憐人彘因寵傷千古可為
 嗚咽

事文類聚、視鷄翁養鷄以鷄本朱公所化故呼朱朱

古今注云羊有美髯名曰長髯玉簿 古今注云

桂林人謂豕黑面郎又謂之烏喙將軍 西京雜

記漢文帝九良馬中有紫燕晨鳧之名又古今注云

紫燕龍騾神馬名 廣雅犬之良者有宋國之猎韓

國之盧楚國之獷晉國之葵 猎音鵲 獷音礦 藝文志郭柳

丁櫟皆古良牛也文選云駮駟麒麟馬羣紀勝郭柳

丁櫟牛類稱良 韻府羣玉古之良猫有烏圓蒙貴

之名又黃山谷詩買魚穿柳聘啣蝉啣蝉亦良猫

異聞錄宋處宗買一長鳴鷄嘗籠著窓間養之甚馴

鷄一日忽作人言與處宗談論極有玄致由是處宗

學業日進。陸象先鴨藝文志唐太宗遣僧玄奘

入西竺國取大藏真經以白馬載回。晉陸機仕洛

有大名黃耳為機寄書七日而馳至其家家人見之

大驚犬又能索機家回書還洛機愛之犬死塋之呼

黃耳塚。晉史秦符堅為慕容冲所襲堅馳烏踰之

馬忽墮澗追兵幾及馬垂韁與堅堅攀而登岸乃得

免難。蘇子卿詳天文鄭詞人漢書李廣鎮鳴門

日椎牛饗士卒盡得士卒之心及戰無不用命每戰

必捷邊塞號為飛將軍。漢書時苗為壽春令清潔

自守初之任時以一牛駕車往後牛生一犢及去任

苗曰是此土所產者命留之吏民畜而愛之曰時公

犢。後漢書劉表有牛名千斤特能日行千里。梁

太祖有馬號一丈鳥。檀溪詳前地理史記孟嘗君質於

秦為昭王所留使人抵昭王幸姬求解姬欲得狐白

裘而孟嘗君入秦已獻之昭王客最下座有能為狗

盜者入宮取出以獻幸姬為言昭王遣之至函谷關

關法鷄鳴而出客孟嘗君恐追至客之居下坐者有

能為鷄鳴而鷄盡鳴乃得出關而走。唐鮑生有駿

馬名紫叱撥與外弟韋生者換以美姬。唐末京師競賞牡丹。劉訓請客賞花。繫水牛庭前笑謂客曰。此黑牡丹也。西京雜記。楊萬年少有俠氣。好田獵。家有犬名青骹。價值百金。骹音敲。魏志。魏武帝所乘馬名白鶴。善馳驟。帝甚愛之。時人語曰。憑空飛躍。曹家白鶴。左傳。宋華元殺羊食士。其御羊斟不與及戰。與入。鄭師故敗。君子謂羊斟以私憾敗國殄民。漢高祖寵愛戚夫人。呂后妬之。及帝崩。呂后斷戚夫人手足。熏其兩目。置宮中。召人視之。謂為人彘。

畜產

牛稱大武。羊曰少牢。豚號脂肥。鵝名鴨鳥。鴨僉云綠頭。公子鷄皆謂紅冠。丈人五馬擁獨駕而行。官儀貴顯。百犬共一牢。而食族類。雍和槃弧。嚙賊奏奇功。赤克衝圍。施猛力。李愬設謀。平蔡藉聲於鴨隊。鵝羣。盧公覓句。遷官得力於貓兒。狗子官榮司隸。誰不歌鮑氏之騶。職擢儀同人。皆羨唐王之馬。長樂宮中有鹿。邨殘妃子榻前。花午橋庄外。多羊。黠綴小兒坡上草。貓魯乳鼠。可知世事反常。犬欲噬。殺已識小人亂國。獻遼東白豕。豈為禎。

祥。騁。塞。北。黃。駒。乃。見。英。武。見。說。王。猶。扼。武。不。應。蹠。犬。吠。
 堯。勿。云。老。馬。為。駒。且。道。韓。盧。逐。兔。騎。驢。衝。太。尹。因。知。詩。
 士。想。敲。推。策。犢。罵。相。臣。寧。意。列。卿。生。憤。怒。俾。出。爾。童。殺。
 衛。人。切。責。於。武。公。盍。歸。吾。艾。豸。宋。國。顯。譏。於。南。子。羊。舌。
 氏。雖。為。佳。話。馬。頭。娘。未。是。羨。譚。馬。逢。伯。樂。而。嘶。倘。謂。其。
 知。已。幾。矣。蔡。為。晉。公。而。嘆。若。名。曰。識。人。可。乎。
 祭。義。祭。宗。廟。之。牛。名。一。元。大。武。文。牛。稱。太。牢。羊。稱。少。
 牢。祭。義。云。凡。祭。祀。之。禮。豕。曰。剛。鬣。豚。曰。膾。肥。風。
 俗。通。云。江。東。人。呼。鳩。為。鴉。鳥。事。文。類。聚。唐。韋。應。物。家。

有。畜。產。鴨。呼。之。為。綠。頭。公。子。鷄。呼。之。為。紅。冠。丈。人。
 漢。制。太。守。駟。馬。其。加。秩。中。二。千。石。乃。右。駟。故。以。五。馬。
 為。太。守。美。稱。又。道。齋。閑。覽。漢。朝。臣。出。使。為。太。守。增。一。
 馬。故。太。守。曰。五。馬。百。犬。共。食。詳。宗。族。鴨。隊。鵝。羣。詳。武。職。高。辛。氏。有。
 犬。名。槃。弧。時。有。寇。作。亂。下。令。曰。得。賊。首。者。妻。以。女。槃。
 弧。俄。啣。其。首。至。其。女。以。為。不。可。違。信。請。行。帝。不。得。已。
 妻。之。槃。弧。負。女。入。山。中。生。六。男。六。女。自。相。匹。偶。其。後。
 至。今。蕃。盛。赤。兔。關。公。之。馬。五。代。盧。延。遜。吟。詩。有。
 云。餓。猶。臨。鼠。穴。饒。犬。舐。魚。砧。又。有。句。云。栗。爆。燒。瓊。破。

猶跳觸鼎。翻蜀王建索詩觀之。甚喜其數語。後燒金
 鼎。官猶相戲。誤觸鼎。建以其裁詩無虛語。遂拜給事。
 延遜曰。平生投謁公卿。不意得力于猫兒狗子。後
 漢書鮑宣字子都。為司隸。嘗乘驄馬。子永孫昱供為
 司隸。亦復乘驄。京師人歌曰。鮑氏驄。三人司隸。再入
 公馬。雖瘦行步工。唐史王毛仲善牧馬。玄宗東封。
 取畜馬數萬疋。別色為羣。望之如雲錦。上嘉其功。進
 儀同三司。開元遺事。明皇宮中有牡丹。顏色鮮麗。
 忽有野鹿。啣去。後乃應祿山之亂。
午橋庄羊詳羣
草塞北黃賜詳

武職 唐史崔祐甫為中書舍人。朱泚軍中。猫鼠交乳。
 表其瑞。宰相率羣臣賀。崔祐甫曰。事反其常。可弔而
 不可賀也。管仲將死。謂桓公曰。有大噬嗑。且女將
 欲噬我。假君必去之。言易牙豎刀也。假音加。 漢朱浮責彭寵
 書曰。伯通自伐。以為功高天下。往時遼東有豕生子。
 白頭異而獻之。行至河東。見羣豕皆白。懷慚而退。若
 以子功論于朝廷。則遼東豕也。唐高宗后王氏為
 武后所殺。王死。罵曰。吾願武為鼠。王為猫。世生。生
 扼其喉。史記漢祖捕蒯徹至。曰。若教淮陰反乎。徹

對曰。距之大。吹堯堯。非不仁。吹非其主爾。詩經考
 馬反為駒。不顧其後。言力不及也。史記范雎說奉
 昭王曰。以秦治諸侯。譬猶縱韓盧而逐狡兔也。韓盧犬名
喻言 唐書韓愈為太尹。賈島騎驢思詩。得鳥宿池。
其易 邊樹僧敲月下門。又欲着推字。以手作敲推狀。遂不
 覺衝其前。詰問所由。愈曰。敲字佳。策續詳文職
羊舌詳倫行 詩賓筵云。由醉之言。俛出童羖言。醉而妄言。蜀之使
 出童羖也。童羖無角之羖。羊必無之物也。此武公飲
 酒悔過之詩。古 羖音 左傳衛靈公夫人南子與宋朝

通衛太子使齊。過宋。宋人誚曰。既定爾婁豬。盍歸吾
 艾。艾。婁豬生子。豬比南子。艾。艾。老豕比宋朝也。中述
 異記。昔高辛時。蜀有人被人所掠。惟所乘馬獨歸。母
 誓于衆曰。有能得夫歸者。妻以女。馬躍而去。負其夫
 還。悲鳴不已。夫知其故。曰。誓于人。不誓于馬。馬嘶鳴
 不已。射殺之。暴其皮于庭。皮忽蹶起。捲女而去。數日
 屍朽化為蚕。故稱蚕曰馬頭娘。韓子騏驎困鹽車
 負而上虞坂。見伯樂長鳴。知其識已也。左傳晉靈
 公飲趙盾酒。伏甲將攻之。其右提彌明知之。曰。臣侍

君宴過三爵。非禮也。遂扶以下。公嗾夫葵焉。明擗而殺之。盾曰。棄人用犬。雖猛何為。

數。悲。即。不。日。夫。吠。其。效。自。普。午。人。不。普。午。濕。濕。池。也。
普。午。來。日。百。猶。替。夫。說。普。妻。以。文。訓。報。而。志。其。夫。
與。時。昔。高。辛。部。假。官。人。婦。人。池。社。池。乘。燕。爵。禮。也。
艾。羅。曳。推。坐。午。離。出。雨。于。艾。羅。法。不。出。米。時。也。公。發。
軍。滿。太。子。與。濟。幽。米。求。人。備。日。到。安。爾。集。藤。畫。讀。書。

水族

龍屬鱗蟲之長。龜為介族之尊。石首烏頭。種別魚中之異。蜚蜚郭索。類分蟹內之佳。洞鮒回東。海波臣波。鱉亦滄江從事。蛟應與虬。矚力量。虛氣成雲。鯨鮑及鼉。鱗施為噴沫。為雨元龜。食鱗自有餘能。金鯉修龍。何嘗點額。蟹螯似鐵。恰為烈士之櫛。龜屋如鋼。渾是征夫之甲。中朝嘉瑞。龍馬負圖。異域奇徵。人魚袒背。左慈若無仙術。豈能致松江浪裏之鱸。韓愈不有雄文。未可驅潮郡波中之鱷。龍蛇蜿蜒而繞戶。仙子治裝。蛟奮迅以夾舟。壯夫

毀璧文。鱧能夜朝北斗。江豚會晚拜西風。螺且有知。噉
 女子一身之肉。龜仍有力支老人。廿載之床。力大如鱮。
 鼓動掀天巨浪。氣呵於蜃。幻成架海危樓。此固知鰲負。
 山而有餘。夫豈云蠡測海而不足。龍無尺木難升漢。誰
 之謂哉。鰓有長鬚可作簾。吾則見矣。

爾雅鱗蟲三百六十。龍為之長。介蟲三百六十。龜為
 之長。初學記吳王食魚美。不知其名。因腦中有骨。
 呼為石首。郭璞寓烏龍山。著爾雅洗墨山下魚吞
 墨頭黑號烏頭魚。事文類聚。鰓亦名鰓。漢祖

臨彭越置其肉於江。故化為此。郭索蟹之別名。南
 華外物篇。莊周貸粟于監河侯。侯曰。我將得邑金。貸
 子三百金。可乎。周忿然曰。周昨來見道中有呼周者。
 視車轍中有鮒魚焉。曰。我東海之波臣也。君豈有斗
 升之水。活我哉。周曰。我且南遊吳越之上。激西江之
 水。而迎子。可乎。鮒魚忿然曰。吾失我常與。得斗升之
 水。活耳。君乃言此。曾不如早索我於枯魚之肆。波臣
 謂水也。與。鰓名神守。一名滄江從事。爾雅龍有
 翼曰應龍。有角曰虬。龍無角曰蛟。龍未升天曰螭。龍

一說。虬龍子也。事文類聚海中有人魚曰鯨鯢。鼓浪成雷。噴沫為雨。爾雅物以小制大者。元龜食鱗。飛鼠斷猿。浪蝨。齒鶴。青要食虎。是皆以小制大。在氣不在形也。三秦記河津一名龍門。桃花浪起。魚躍而上。之躍過者為龍。否則皆點額而還。螯蟹大足。蟹稱為橫行介士。故云。龜屋即云龜殼如屋然。故云。史記伏羲時龍馬負圖出于河。帝則其文以畫八卦。待制查道奉使高麗。見沙中一婦人紅裳雙祖。背後微有紅鬣。查命人扶于水中。遂拜手感念而

沒乃人魚也。

貯盆釣鱸詳神仙斬蛟毀壁詳珍寶

唐書湖有鱷魚

嘗食人。潮人患之。韓愈謫守于湖。作文驅之。鱷乃徙

于海。

鱷音列仙傳漢中卜師子先一日謂酒家娼

曰。急治裝。當與汝俱升。夜有仙人持二茅狗與子先

子先與一于姬。乃龍也。俱騎之而去。鱧黑魚也。頭

有七星。每夜必朝北斗。南康有女採螺為業。夜宿

亭上。衆螺悉至。張口亂噉其肉而死。因名螺亭。事

文類聚南方老人誤以龜支床足。二十餘年老人死

徙其床。龜尚生。能行氣導引故也。廿音八二十并也今直以為二十字

鮪即海鯨魚也。小者亦千餘尺。鼓浪則如山。嶽目
 如門。電暑。翬若揚朱旗。海舶見之。輒大驚怖。鮪音秋。泥鱗也。
 似。蟹。蚌。屬。史。天。官。書。海。旁。蜃。氣。成。樓。臺。蜃時軫切。辰上聲。
蟹負山。詳勇敢。 東方朔傳以管窺天以蠡測海豈能考
 其文理通其條貫乎哉。格物志龍頭上有一物如
 傅山形名曰尺木。桓譚新論龍無尺木無以升天。聖
 人無尺上無以王天下。漢武故事昆明國以蝦鬚
 織為簾上獻武帝其鬚長丈餘。

水族二

蠃。蚌。腹。蟹。水。母。目。蝦。魚。婢。即。是。小。魚。蟹。奴。原。非。大。蟹。體。
 沫。子。而。長。情。實。獨。親。鬻。負。雌。而。行。勢。恒。相。倚。烏。賊。因。烏
 之。賊。王。餘。乃。王。所。餘。元。衣。督。郵。稱。龜。美。號。橫。行。介。士。譽
 蟹。芳。名。取。牡。蠣。不。周。山。崩。煮。河。豚。西。施。乳。軟。跛。鱉。而。行
 千。里。誰。曰。不。能。困。龍。而。升。九。天。還。須。有。待。魴。奔。汝。水。雖
 則。獨。勞。儵。出。濠。梁。却。為。至。樂。龜。亡。存。殼。還。通。卜。士。之。靈。
 蟹。死。留。形。更。愈。病。夫。之。瘡。細。推。物。類。具。載。書。編。祥。龍。乘
 霧。以。為。霖。神。靈。叵。測。巨。鰲。負。山。而。抃。海。力。量。優。為。白。魚。

躍入舟中周家革命黃龍見于水上漢代改元為希世
奇珍大貝釋文王之罪作中朝嘉瑞靈龜負大禹之文
楊震錫公主見說雀啣三鱸至晉君登帝祚傳聞馬化
一龍飛龍入河中畢竟應桓溫之兆龍來城下還應兆
劉展之兵龍嘗紀黃帝之官朝分彥佐鯉更入宣尼之
夢家誕聖嗣毋日龍潛乎泥蚯其肆矣尚知鰲出平海
蟻且觀焉丈夫每事出人頭毋效謝鯤似鱉君子所為
符聖道必如老子猶龍蔡道明誤食蟞蟻却亦笑人沈
昭畧且食蛤蜊更為傲物

藝文云蠟蝓腹蟹水母目鰓蝓蝓似蚌有一小蟹在
腹中為蠟蝓出求食蟹或不至蠟蝓餓死人呼為蟹
奴水母有足無口腹大如覆帽腹下有物如絮常有
數十蝦寄腹下食其涎或浮水上過人捕之即沉乃
蝦有所見耳格物志凡魚散子不沫其子唯文鱧
沫子而長廣志鱉魚形似便面負雌而行失雄則
不能活鱉音南越志烏賊魚常浮水面烏見之以
為死便啄之乃卷取其烏故云烏賊廣志吳王食
鱸未盡棄之水中後乃活人因謂之王餘魚古今

水族 三五 蒲葦堂

注龜謂之元衣督郵鯨謂之河伯從事蟹謂之橫行
 介士廣志牡蠣初生海島迤如拳石四面漸長有
 高一二丈者巉巖如山每一房內有肉一片土人取
 而食之河豚三月間出味甚美剖其腹中有乳一
 雙名爲西施乳荀子顛步不已破鱉千里蓋喻
 漸進者詩汝墳篇魴魚頰尾王室如燬雖則如燬父
 毋孔邇赤則勞甚矣而今南華秋水篇莊子與惠子
 遊於濠梁之上莊子曰儵魚出遊從容是魚樂也惠
 子曰子非魚安知魚之樂莊子曰子非我安知我不

知魚之樂濠音豪世說簡文入華林園顧謂左右
 曰會心處不必在遠翳然林木便自有濠濮間想也
 覺鳥獸禽魚自來親人筆談關中素無蟹有人得
 一乾蟹土人怪其異病瘡者借去懸於戶病輒痊是
 不但人不識鬼亦不識矣漢司馬遷云雲蒸龍變
 其靈不可測列仙傳有巨靈之鰲背負蓬萊之山
 而并舞戲滄海之中周紀武王渡河中流白魚躍
 入于王舟武王俯取以祭議者謂殷尚白白魚入舟
 中適應革命之兆漢書宣帝甘露間黃龍見新豐

水○中○子○是○改○元○黃○龍○。六○韜○云○商○拘○文○王○于○羨○里○散○
 宜○生○乃○以○千○金○求○天○下○之○珍○異○。得○大○貝○百○朋○以○賂○紂○
 紂○大○悅○遂○免○其○罪○。洪○範○註○孔○氏○曰○天○與○禹○神○龜○負○
 文○而○出○列○於○背○有○數○至○九○禹○因○而○第○之○以○成○九○疇○易○
 言○河○出○圖○洛○出○書○聖○人○則○之○蓋○治○水○功○成○洛○龜○呈○瑞○
 也○。楊○震○事○。晉○書○太○安○間○童○謠○云○五○馬○浮○渡○江○一○
 馬○化○為○龍○永○嘉○大○亂○惟○瑯○琊○西○陽○汝○南○南○頓○彭○城○王○
 王○獲○濟○至○是○中○宗○獨○登○大○位○。晉○書○黃○河○中○舊○無○龍○
 忽○有○得○者○佛○圖○澄○曰○桓○溫○入○河○其○不○久○乎○溫○字○元○子○

果○如○其○言○。唐○鄧○景○山○拜○節○度○使○鼉○集○城○門○鄧○班○曰○
 鼉○介○物○也○失○所○次○金○不○從○革○之○象○其○有○兵○平○未○幾○劉○
 展○乃○反○。通○鑑○太○昊○庖○犧○氏○風○姓○有○景○龍○之○瑞○于○是○
 以○龍○紀○官○。家○語○伯○魚○之○生○孔○子○夢○人○餽○之○以○鯉○喜○
 以○為○瑞○因○命○名○曰○鯉○字○伯○魚○。荀○子○或○曰○龍○必○欲○飛○
 天○乎○曰○時○飛○則○飛○時○潛○則○潛○龍○蟠○乎○泥○虬○其○肆○矣○虬○
 哉○虬○哉○烏○覩○龍○之○志○也○歟○。元○。符○子○東○海○有○鰲○冠○
 蓬○萊○遊○滄○海○羣○蟻○聞○而○往○觀○之○忽○長○風○激○浪○崇○濤○萬○
 仞○鰲○出○海○中○隱○如○嶽○峙○羣○蟻○曰○彼○之○觀○山○遊○海○何○以○

我之戴笠逍遙封壤之巔哉。普史謝鯤每事畏縮。不肯一出人頭。時人嘲為驚頭。史記孔子問禮於老聃。老子曰：良賈深藏若虛。君子盛德容貌若愚。孔子去謂弟子曰：鳥吾知其能飛，魚吾知其能遊，獸吾知其能走，至於龍吾知其能乘風雲而上天也。今見老子其猶龍乎。世說晉蔡謨字道明，初渡江見蚺，喜曰：蟹有八足，加以二螯，令烹之。既食，吐下委頓，方知非蟹。謝尚知之，謂曰：卿讀爾雅不熟，幾為勤學死。

南宋王融詣王僧祐，沈昭畧遇之不識，問主

人曰：是何年少。融殊不平，謂曰：僕出于扶桑，入于暘谷，照耀天下。誰云不知，而卿此問也。昭畧云：不知許事，且食蛤蜊。

專且貪蝨

谷。照。數。天。下。謂。云。不。收。而。懶。此。問。此。謂。器。云。不。收。指。
人。口。景。所。罕。少。蟪。終。不。平。謂。日。對。出。千。計。桑。入。下。以。

昆蟲

青袍令史。蝌蚪佳名。赤弁丈人。蜻蜓雅號。熠耀丹良。照
車。子。案。頭。經。史。翻。翻。蚨。蝶。入。勝。王。筆。底。畫。圖。園。內。鳴。蛙。
為官乎。為私乎。已動君王之問。床頭投蝨。欲餒之。欲寒
之。更動穉子之號。螢為丸。却矢而有神。蠹食字。得仙而
可待。蜈蚣食噬人之鱗。恰有全能。螻蟻制吞舟之魚。更
饒餘力。唐官引御。駕蝶成妃。子之歡。秦市布童。言蠅報
君王之赦。蝨蝨而任重。須日有為。蟻蝦而轉丸。非云無
智。炎威不附。飛蛾負撲火之能。勇敢無回。螳螂奮當車。

之臂蛙怒得君侯敬式。蛛巧令公子吁嗟。蚊聲聚處更
 為雷。螢火放來還當月。草中蛙鬧兩部之鼓吹。喧闐冠
 上蟬棲一種之珥。瑯清潔蚊蚋嗜肌膚之上。烈女凶軀
 蜂蠶起懷袖之間。壯夫失色社鷄弗灌。事有所妨。稷蜂
 不攻。勢安所托。寒蟬食素。魯聞蘓子。咏詩春蚓。無求又
 見歐陽作賦。却羨蜂鑽紙隙。想應知紙牕之外。世界寬
 舒。只憐蛙跳井幹。何事樂瑄井之中。風光局促。
 古今注。蛙名曰青袍。合也。蜻蜒曰赤牙。丈人丹良。
 螢之別名。晉車胤嗜學。夜無油。乃捕螢數十。置紗囊

中照書夜讀。唐滕王善畫。蛺蝶故王建宮詞有云。
 內中數日無呼喚。傳得滕王蛺蝶圖。晉書。惠帝在
 華林園中。聞蛙聲。問左右曰。此鳴者為官乎。為私乎。
 賈胤對曰。在官地為官。在私地為私。韻府。無畏三
 藏從學律師。律師輕之。令宿于戶外。律師中夜捫蝨
 投床下。無畏呼曰。餒殺佛子耶。凍殺佛子耶。撲殺佛
 子耶。律師知為法器。遂傳之衣鉢。號平。古今注。螢
 食蚊蚋。類聚曰。務戊子日。以為丸。能却矢。漢劉子南
 傳其方。出戰邊外。邊人射之。矢至馬前。輒墜。邊人以

為神遂引去。韻府蠹書蟲食書三神仙字人吞之
 乃可致仙。韓子吞舟之魚大矣。蕩而失水則為螻
 蟻所制。開元遺事明皇春時宴于宮中命妃各插
 艷花帝親提粉蝶放之隨蝶所止遂幸之。惟楊貴妃
 專寵不在此例。白帖秦符堅屏人作赦文有大蠅
 入室聲甚厲驅而復來俄而人皆知有赦詰其所自
 皆云有一青衣童子呼于市中堅曰是前青蠅也。
 博物志蝮蝮蟲名善負遇物輒負之愈重不止。莊
 子蠅蝦之智在於轉丸謂蠅蝦能以土包其糞轉而

成丸也。

蠅音腔 蝦音良

孟郊飛蛾詩云燈前雙舞蛾厭生

何太切想爾飛來心見火要撲滅天若高百尺應去
 掩明月。莊子螳蝦怒其臂以當車轍不知其不勝
 任也。淮南子齊莊公出獵有螳螂舉足當車問何
 蟲對曰螳螂公曰此為天下勇蟲矣回車避之于是
 勇士歸焉。韓非子楚王將伐吳欲人之輕死見怨
 蛙式之從者曰奚敬于此曰為有勇氣也勇士皆聞
 而歸之。符子晉公子重耳見蜘蛛布網曳繩執虫
 而食乃謂舅犯曰此蟲也猶布其網曳其繩執蟲而

食人不能靡垂天之網。布絡地之繩。以供食前之御者。此殊不若也。漢中山靖王朝天子置酒聞樂而泣。問其故對曰。臣聞衆庶漂山聚蚊成雷。是以文王拘于羑里。孔子厄于陳蔡。隋煬帝夜遊放螢火數斛。光明似月。蛙鬧鼓吹。詳恬淡篇。漢官儀侍中之冠制有蟬者。取居高清潔之義。珥音二。珥音彫。越有女子夜過高郵。天陰蚊盛。田舍翁留之宿。女曰。吾寧處此。不失節也。遂以蚊死其筋。在焉。人為之立祠。名曰露筋祠。坡文壯夫能博猛獸。不能不變色于蜂蠆。長尾為蠆。短尾為蜂。

元丑介切。釵去声。韓詩外傳。社蠶不灌。稷蜂不攻。得所託耳。謂灌。蠶攻蜂。則壞其社。蘇公蟬詩。蛻形汚濁中。羽亦便翽。好秋來。問何闊。已抱寒莖。稿君子之食。素服中。應未飽。歐陽蚯蚓賦。其畧云。仰穴而鳴。若號若呼。其亦有所求耶。抑其求易足。而自鳴其樂耶。傳燈錄云。懶瓚禪師見蜂子投紙窠。求出師曰。世界如許大。不肯出鑽他故紙。莊子魏公子牟謂公孫龍曰。子不聞埳井蛙乎。謂東海鱉曰。吾跳梁乎井幹之上。入休乎缺甃之崖。赴水則接液。持願蹶泥。則沒。

足滅附還顧軒螭與蝌蚪莫吾若也且夫擅一壑之
 木而跨時埴井之樂此亦至矣夫子奚不時來觀乎
 幹音寒 埴音坎 漢公孫述稱帝於蜀隗囂使馬援往觀之
 述盛陳陞衛禮儀甚盛援曰天下雄雌未定公孫不
 吐哺走迎國士與圖成敗反修飾邊幅如偶人形此
 子何足久稽天下士乎因辭歸謂鷺曰子陽井底蛙
 耳而妄自尊大不如專意東方

昆蟲

蟲豸惟繁品評莫既觸蠻戰蝸角強且益強蚊睫集焦
 螟小而彌小縊女懸絲自縊固當年枉死冤魂謝豹展
 足蒙頭實徑日含羞故態蠹魚生死不離文字之間蟻
 蝨行藏只在禪衣之內吳渚之涿游蚪蚪入詞人篆體
 文章常山之旋繞率然壯烈士屯軍陣法方諸見月而
 化蒼蠅被凍而癡尺蠖屈以求伸飛蚊飽而欲死道經
 陸地尋螻蟻之垤乃可得泉旱遇驕陽敲蜥場之罨且
 能致雨螳螂捕蟬於葉底步疾於飛巴蛇吞象於林中

口大於腹鼠在倉在厠一潔一汚蝨處頭處身乃緇乃
 素毗蜉撼大樹力量奚堪商鉅馳長河施為寧及醯鴛
 適性無非樂雍裏之天蚌蛤生珠畢竟蓄腹中之賊螺
 羸負螾蛉以祝尚屬心聰蒼蠅附騏驥而飛還因力弱
 蜉蝣促壽何煩憂千歲之龜螭蟬橫行當必笑無足之
 蚓燕丹圃內曾聞金彈投蛙唐穆庫中豈意金錢化蝶
 蛛營營於嗜慾忽然動龔子之思蝶栩栩以飛揚倏爾
 入莊生之夢第曰野蠶成繭古輒有傳寧知田蝗化蝦
 今難再見楚王嚼蛭而病軀愈亦是奇聞唐主吞蝗而

年穀登更為佳話每憐貧士終身困冀有緣覓得青蚨
 又恐君王五夜寒願異域進呈冰繭
 爾雅有足曰蟲無足曰豸莊子有國于蝸之左角
 者曰觸氏國于蝸之右角者曰蠻氏相與爭地而戰
 伏屍數萬逐北旬有五日而後反兩角有列子江
 浦之間生麼蟲曰焦螟聚而飛于蚊曉之上縊女
 蟲名吐絲自懸昔齊東郭姜既亂崔杼之室慶封殺
 其二子姜亦白縊俗傳此婦者化為縊女謝豹蟲
 名見人以前足交覆其首如羞狀或曰謝豹本人名

抱耻而死乃化爲此蟲。蛭書之蟲曰蠹魚亦謂之
 曰蟬。阮籍大人先生傳其畧云君獨不見羣蝨之
 處禪中逝乎深縫匿乎壞絮然炎丘火焚羣蝨處于
 禪中而不能出也君子之處域內何異乎禪之處蝨
 乎蝨音巴。事文類聚古人製字有蝌蚪文孫子
 曰善用兵者如率然率然常山之蛇也擊首則尾應
 擊尾則首應擊中則首尾皆應故行軍有常山蛇陣
 事文類聚方諸陰燧大蛤也見月則化而爲水
 唐蘇味道才學識度物望攸歸王方慶體質鄙陋言

詞魯鈍俱爲黃閣侍郎或問二公孰賢郎中張元一
 曰蘇九月得霜鷹王十月被凍蠅。易經繫辭尺蠖
 之屈以求伸也。韓子齊威公伐孤竹山中無水隰
 明日蟻冬居山之陽夏居山之陰蟻蛭寸而有水掘
 之果得泉。事文類聚蜥蜴蠃蟻也唐時關中人求
 雨置蜥蜴于罾中插楊枝于上命童鞭之曰蜥蜴蜥
 蜴與雲吐霧大雨淋漓放汝歸去雨輒有應蜥音昔
 山海經云巴蛇吞象三年而出其骨。事文類聚
 李斯少爲郡吏見吏舍廁中鼠食不潔送人犬數驚

恐倉中鼠食積粟無人犬之擾乃嘆曰人之賢不肖
 譬猶鼠矣在所處矣抱朴子云頭蟲着身稍變而
 白身蠶處頭漸化而黑係所染也韓詩蚍蜉撼大
 樹可笑不自量浮蚍音皮蟻音莊子猶蚊蚋負知商
 蚺馳河必不勝任卽馬蟻也商蚺莊子田子方篇孔
 子見老聃出謂顏回曰丘之道猶醯鷄歟微夫子發
 吾覆吾不知天地之大也醯鷄中蟻蠓小飛蟲黃山谷
 詩老蚌腹中珠是賊醯鷄甕裡大幾多螺贏細腰
 蜂螾蛉桑上小青蟲螺贏無子負螾蛉置木孔中祝

曰類我類我七日而化為已子光武與隗囂書蒼
 蠅之飛不過數步附於驥尾乃騰千里之路淮南
 子云龜壽千歲蜉蝣不過一日以蜉蝣而憂龜夙性
 之具人必笑之矣蜉蝣之蟲朝生暮死荀子蟹謂蚘曰積以
 衆足行尚爾不足子乃以無足行耶史記燕太子
 丹自喜得荆軻無秦憂與軻遊園中軻拾磚投蛙太
 子遂令人捧金丸以進金錢化蝶詳文識金樓
 子云楚國龔舍仕上卿一日見蜘蛛作網有蟲觸之
 死嘆曰仕宦人之羅網也遂掛冠去士高之謂之蜘蛛

昆蟲

異

蛛隱○莊子齊物論莊周夢為蝴蝶○
 知周也○俄而覺則蘧蘧然周也○不知周之為蝴蝶○
 蝶之為周○周與蝴蝶○必有分矣○此謂物化○
 宗之時○野蠶成繭○又吳都賦○國稅再收之○稻鄉貢八
 蠶之繭○史記楚惠王疾○食菹有蛭○欲出之○恐膳夫
 坐罪○勉強吞之○令尹知其故○謂曰○天道無親○惟德是
 輔○王之疾其愈乎○後王疾果愈○
 府○羣玉東海米蠶繭為錦○入火不燒○暑月陳于座極
 清凉○漢武唐太宗朝嘗入貢○
 青蚨詳君道韻
 吞蝗詳珍寶韻

